

जूना जीवता चितराम

लेखक

मुरलीधर व्यास

मोहनलाल पुरोहित

प्रकाशक

राजस्थान साहित्य अकादमी (संगम)

उदयपुर

प्रकाशक
राजस्थान साहित्य अकादमी (संगम)
उदयपुर

प्रथम बार

मूल्य - ३ रु. ७५ पैसे
सन् १९६०

मुद्रक
अजन्ता प्रिन्टर्स
जयपुर

धांरी वस्तु भेट, धानै है वल्लभ-प्रभु ।
है तौ आ अळसेट, लाज ताहरै विड़द री ॥

—लेखक—

विषय सूची

			पृष्ठ
१ भौलौ घड़ा नाखणियौ	१
२ हुसेनौ गूजर	२६	४	४
२ सुखौ बारीदार	२६	४	५
४ रमजान न्यारियौ	२६	२६	११
५ सुगनौ बहीभाट	१४
६ भीखौ भठियारौ	१७
७ काबली नसीरुद्दीन	२०
८ अलखियौ	२३
९ रामलौ भंगी	२६
१० बिरयु सेयग	२६
११ रुघौ खल्ला गांठणियौ	३२
१२ श्रीगोपाल ओम्हा	३६
१३ सिरदार रंगारौ	३६
१४ गनी ठठारौ	४४
१५ मध्यौ फेरीवालौ	४६
१६ भीलियौ खवास	४६
१७ हरदास दहीवालौ	५२
१८ भोलियौ हाकोत	५५
१९ सीत की मालण	५८
२० नंदी ओझ	६१
२१ जेसियौ तंबोळी	६४

२२	मनजी मचकांवाळी	६८
२३	पौरायतणी-मदियैरी बहू	७३
२४	वीजो खाती	७६
२५	सिएगारी सैं सण	७८
२६	बाली साभी	८१
२७	तेजो सोनार	८३
२८	उभौ दरजी	८८
२९	पंखैवाळी	९०

ओलखाण

इसी देखणें में आवै है के मिनख जूनी बातां नै सुणन-गुणन में मोकळी रस लेवै है। चौ, लारली बातां नै घणै उछाव-अर-उमंग सूं सुणै, तोलै-भोलै, जाचै-परखै अर हणै री नवी बातां सूं मिलाए करै। भणिया-अए भणिया सगळै इणी मारग बै धै।

इतिहास, काणयां-किस्सा अर लोक-साहित नै, पढ़ण-सुणन री चाव घण खरौ-इणीज कारण सूं हुवै।

इणी चाव नै पूरौ करण सारु, म्हां भी 'जूना जीवता जागता चितराम' लिखिया है। इणां रै पढ़ण सूं मोकळी नवी चिमतकारी और हितरी-बातां आपरै जाणनै में आसी-अर-आसी-आपरै आंख्यां रै अगाडी समाज रै जूनै बंधेज-बंधाए री सोवणौ चितराम।

इए छोटी सी पोथी सूं आपनै इत्ती जाणकारी तौ मिळ सी ईज—

(१) अम री पूजा

(२) आप आपरी जागा सगळां री माए-काए

(३) भाई चारै, मेळ अर सैयोग री भावना

(४) आप-भापरै धंधै में सगळै चतर

(५) गुणां री कदर

(६) त्याग, विसवास, अर भगती री भावना

(७) जाति रै भेदभाव नै भूल'र सागळे धुळिया-रसिया-बसिया

(८) जूनी रीत रवाज

(९) भांत-भांत रा धंधा भांत-भांत रा मिनख

आ पोथी आप लोगां रै घणी दाय आवणी जोयीजै, इसी म्हांरी धारणा है। आपरी दाय-अर सरावण सूं ईज म्हारौ हाव बधसी।

वीकानेर
राखी पूनम, संवत् २०१७

मु. घ. व्यास
मो. ला. पुरोहित

प्रकाशकीय

“जूना जीवता चितराम” राजस्थान के लोक-जीवन के कुछ प्राचीन लेकिन बलंत सहज संस्मरणात्मक रेखा चित्र हैं जिनमें राजस्थान के समाज, संस्कृति, तथा आंचलिक जीवन के अनेक पृष्ठ मुखरित हुए हैं। अचल की धरती की धड़कन के वास्तविक बोल अंचल की भाषा में ही अपनी सफल अभिव्यक्ति प्राप्त करते हैं, प्रस्तुत रेखा-चित्र इसके प्रमाण हैं।

सरल और प्रांजल भाषा चित्रित राजस्थानी जीवन के यह अनेक पात्र मानव जीवन की अनेक विशिष्टताओं के प्रतीक हैं। साथ ही पुस्तक के इन चितरे लेखकों की भी स्रजन सामर्थ्य का परिचय देते हैं।

राजस्थानी भाषा में रचित श्रेष्ठ साहित्य के प्रकाशन की योजना के अंतर्गत साहित्य अकादमी के राजस्थानी विभाग ने “जूना जीवता चितराम” को प्रकाशित करने का निर्णय लिया था। प्रस्तुत पुस्तक का प्रकाशन विभाग के उसी निर्णय की क्रियान्विति है।

मात्र पद्य में ही नहीं, गद्य के क्षेत्र में भी राजस्थानी साहित्य सिद्धि के नये क्षितिज छू रहा है। गद्य की अनेक विधाओं में आज नितनई श्रेष्ठ कृतियां प्रकाश में आती जा रही हैं, और उसी परम्परा में, राजस्थानी के पाठकों के लिये प्रस्तुत है यह ‘जूना जीवता चितराम’।

शांतिलाल भारद्वाज ‘राकेश’

कार्यवाहक निदेशक

राजस्थान साहित्य अकादमी (संगम)

उदयपुर (राजस्थान)

भोलो घड़ा नाखणियाँ

मरु भोम । करड़ी रत । जनी-जानी चेकळूरा धोरा । उनाळें में तपे नौ इसौ तपे कै मत पूछी बात । इयां सूं चिप'र चैयती हवा खीरा उछाळें । ऊपर सूं सूरज भगवान लाय बरसावै नीचै जमीं माता इसी तपे-इसी तपे कै उभराणै बैवां तो फाला उपड़ जावै ।

असबाड़ा-पसबाड़ा सैन तपे । आंगण तपे, भीत्यां तपे, वासण तपे, बिछाणा तपे अर तपे पैरण रा गाभा । रोई में गूंगा-भोळा जिनावर तपे । तपतै रै मारिया आकळ-आकळ हुयोडा छेंया तकै तिसां भरता तड़भड़ीजै । अठीनै-उठीनै पाणी री बगां डभका मारै ।

मरु-भोम में एक तो पाणी री इयां ई तोड़ी फेर उनाळें में तो मत पूछी बात । कूवा साठीका ऊंडां पाणी बलधां सूं काढ़ीजै । कूवै माथै इत्ती भीड़ के माथै सूं माथा टकरावै अर घडां सूं घडा । पाणी ले जायणा खातर सै ऊंताबळा । बारी मोरीजियोनी कै मफामफ पाणी ढोईजण लागीनी । पखालिया न्यारा ई राफड़ घालै । जंगी-जगर तिरिया-मिरिया भरियोडा कोठा देखतै-देखतै खाली हुय जावै । बो देखै हूं पैला तो बो देखै हूं, तूं चाल हूं आयी ।

कदेई जोर री लूबां चालै । कदेई घम घमीजै । परसीणै रा परणाळा बैवै । मिट-मिट छेड़ै तिस लागै ।

कालें उनाळें में पाणी बिना घडी एक सरै नहीं । खांधै उखण'र लायै तोई घोंपरवारवाळां रै सरै नहीं । लाई काम काजियां नै तो वेळा-वखत ई लायै नहीं । टावर दोय-दोय'र किन्तौ क दोयै । जणै घड़ा नाखणियां अर पखालियां रै मूंडा सामी जोवरौ पड़ै ।

पखालियां रा सूर चढियोडा । पैला तो बतलायां आरै ई नहीं करै अर निवाजे तो बोलता ई पाधरा आठाना-बाराना पखाल मांगै । वाका फाड़ै ।

कदेई इसी बडाबडी बाजे जिकी हिडक्यां रे हाथ लगायां ई रुपियो पखाल हाथ नई आवै ।

जणै घड़ा नाखणियां री बण आवै । खुल्ला घड़ा नखावै ती आडै दिन दो टका ती अंबळी चेळा एकानी । नवी बंधी पैली ती करण ने आरे ई को होवैनी जे हांकारो भरै ती नखरा-बखरां सूं । जूनी बंधीवाळां रे ई जोश्रीजता पाणी नाखदेवै ती बडी बात ।

पण पांचै आंगळ्यां एक सिरखी को होवैनी । कोई-कोई घडावाळा भला ई होवै । घानै माण-मुलायजो मारे । पल्लै धरम राखै । पइसा देवता कई नै फोड़ो घालै नहीं-तरसावै नहीं ।

भोळी इसीई एक घड़ा नाखणियो हौ ।

भोळी ग्हांरी गळी अर चौक रे घरां में बरसां सूं पाणी नाखतौ हौ । कदेई फोड़ा को घालतौ हौ नी । आपरै मर्तै ई माटा-मटक्यां अर कंडया भरो राखतौ । मिठ बोली माण-मुलायजैवाळी अर खरी हौ ।

बंधी में रुपिये रा ३२ घड़ा नाखतौ । खुल्ला घड़ा रुण माफक पण बीजा सं थोड़ा सत्ता ।

भोळी भोळी अर भली मिनख हौ ।

भणियोड़ौ भोळी आखर ई को होनी । बडी नाखती जणै पणीई अथवा आंगण री भीत माथे कोयलै सूं एक लीख मांड देवतौ । इण तरै जित्ता घड़ा दिन भर में नाखतौ उत्ती ई लीख्यां मांड देवतौ । महीनै में हेंसाब होवतौ । लीख्यां गिणीज'र ३२ रे भाव सूं दाम फळाईज जांवता । बाँ कदेई हेंसाब में गोळ घालतौ को होनी । कदेई खोटी लीख्यां को काड़तौ होनी ।

भोळी खरी हेंसाबियो हौ ।

चारै महीना में भोळे नै बंधीवाळां घरां सूं एब-एक धोती जोड़ी मिलतौ । अर मिलतौ जीमण-जूठण होवतौ जणै जीमण री नैतौ ।

भोर री टंडी चेळा भोळी घड़ा नाखण सुरू करतौ जिके री १०॥-११ ताई इरुधारी बैबनी । पळे माळा-मणियां फेर'र पेट पूजा करतौ ।

दुपारें री आराम करतौ । पाछो तीजै पौर १-४॥ बजी घड़ी लेयर कूवै पूग जांवतौ । सिंज्या री ८-८॥ बजी ताई एकढ़ाण बैवतौ ।

भोळो मैनती हौ ।

बधीवाळा कदैई पइसा देवण में मोंड़ी कर देवतौ, ताई बी चींचा को करतौ हौनी । बिना कयै ई ताजै पाणी री मटक्यां-चाडा छाण देवतौ । बासी ठंडै पाणी री मटकी न्यारी भर'र मेल देवतौ ।

भोळो जीरणावाळो हौ ।

बरसां सूं घर में आवण-जावण सूं भोळो परायो को लखाईजतौ हौ नी । सगळां सूं पूरो हिलमिलग्यौ हौ ।

लुगायां बासण-कूसण मांजती अर सिनान-संपाडौ करती बेला गैणौ खोल'र भूल जांवती, तो भोळो, हेलों मार'र कैय देवतौ-माजी ! औ गैणौ के री है, संभाळ लौ ।

भोळो मेळू अर हाथ रों साचौ हौ ।

भोळे री ठिंगणौ खामण हौ, बडी आंख्यां, गोरी सरीर, करड-काबरा केस, छोटी मूछयां, फानटिरियोड़ा जिकां में मुरक्यां पैरियोड़ी, टाट पडियोड़ी, डील ऊपर बंदी, खांधे अंगोछी गोडा साईनौ ऊंचौ-ऊंचौ धोतियौ अर उभराणै पगां रैवतौ ।

आज बां बातां नैं मोकळा बरस हुयग्या । भोळो परलोक सिधारग्यौ, पण बैरौ भोळो उणियारी अर खराई-भलाई री छाप हिवडै में हाल भंडी पड़ी है ।

हुसेनौ गूजर

हुसेनौ भांगर के री ४-४॥ बजी उठता । दिसा-फरागत सूं निमट'र,
गायां नै चाटौ चढाय'र, दूवण लागता । दस-वारै गायां ही, सै खरणै-वाळी
अर लंबै थणां धाळी । दोय ही भूरी भैसां । दूध रा, चरा रा चरा भरीज
जांवता ।

पछै बज्ज करण लागता । सूरज भगवान रै उदै होवण सूं पैलाई बौ
नमाज पढ़लेता । पछै थोड़ी देर ताई तसबी लेय'र अल्ला-अल्ला करता ।
घर में लोवान खेतौ ।

दिन चढियां परचूणिया अर थोक दूध लेवणिया आय दृकता । कंदोयां
रै निन रौ दूध जोयीजै, सेराबंधी । बे ई आय धमकता । पाड़ोसी ई भेळा हुय
जांवता । दूध रौ भाव निकळता । पछै हुसेन रै घरवाळा कंदोयां अर थोक
दूध लेवणियां रै घरै चरा भर'र दूध पूगांवता ।

हुसेनौ गूजर हौ ।

हुसेनै री, घर री लुगायां ई बैगी उठती । हुसेनै नै दूवारी में मदत
देवती । घर री चासी फूस बारी करती । गायां नै नीरती ठाण साफ करती अर
फोटा थापती । काई लागती घम्मड़-घम्मड़ आटा पीसण ।

घर में संप हौ । सगळे एक डोरे मै बंधियोडा हा । बडां-बूढ़ां री दुग्या
में चाळणिया हा । हुसेनौ अर उण री बहू घर मै बडा हा ।

हुसेनौ घर री मुखिया हौ ।

घर सूं दोय कोस छेड़ी एक बडा तलाव ही-बड़सीसर । ज़िटे रोही में,
चरण लायक चून्दा अर तलाव में पाणी रेंवता हुसेनै री गायां-भैस्यां ई उठै
ढाणी में रेंवता । परवार रा दोय-तीन जणां नै उठै रेंवणा पड़ता । दिनूगै रौ

हुसेनो गूजर]

बैंगो दूयोड़ै दूध रा भरियोडा चरा, ढांचां ऊपर मेल'र, गधां ऊपर दोय'र, सैर में बेचण सारू लावणा पड़ता । हुसेनै रै ३-४ गधा ई हा । गायां, बैस्यां अर गधां-इए तरै मोकळा जिनावर हा ।

हुसेनो चांपैवाळो हो ।

हुसेनो तीन बखत री नमाज पढ़तौ । रोजा राखतौ । खैरात देंवतौ । चौथाई तौ को काढ़तौ हौनी पण गरीब-गुरबां री मदत करतौ । सभाय रौ भली, दयावान अर चित्त रौ ओल्लोदीलौ हो । जिनावरां नै खूब सोरा राखतौ हो । आप अर बहू मक्कै-मदीनै सरीफ री जातरा कर आया हा ।

हुसेनो हाजी हौ ।

एक तौ मेळू धीजी भली, तीजौ डंभक अर चौधौ धरमातमा होवण सूं, जात-विरादरी में बैरी चोखौ माण-काण हो बैरी बहू ई बॅरै ओड़ै जोड़ै हो । जात-विरादरी में, असरचौपड़ जांवतौ जणै आंघता सगळे हुसेनै नै तेड़ौ । हुसेनो, आपरी भली अर तीखी सूझ-बूझ सं, अलंजौ सुलभाय देंवतौ ।

हुसेनो पंच हो ।

जिनावरां री दूधारी दिन में दोय वार हांवती हो । एक भोर री बैंगी टैम अर धीजी तीजै पीर री कोई ४-४॥ बजी । रात री १० बजी ताई हुसेनो गायकां री घाट जांवतौ । पछै बंचियोड़ै दूध रौ माथो बणाय नांखतौ । माथो धीजै दिन कंदोई अर जीमण-जूठणवाला खुसी-खुसी ले जांवता परा । फेई नकद पइसा देय जांवता तौ फेई ओधार-घाट । हुसेनो आबणियां नै राजी कर'र सवदौ पटाय ई लेंवतौ । आ घात काहीनी कै, वौ, माल झूबती आसाम्भ्यां नै तोल देवै । बै बरस साटां नैडा लिया हा अर केस तावड़ी में धौळा को किया हा नी । मिनस री आंख अर चाल ढाल देख'र बैरा लक्खण ओ लख लेंवतौ हो ।

हुसेनो दानौ-सैणी घोपारी हौ ।

वामणां अर बाणियां रै साबै माथे दूध अर माथे री मोकळी खपत हांवती । मिंदरा में ई दूध जांवतौ । गूजर किसा बीजा को हानी, पण लोक

हुसेनै सूं ईज घणा धीजता-पतीजता । धीजा, खोटौ माल ई चलाय देंवता । पण हुसेनौ इयां कदैई को करतौ ही नी । धीजा तोल में ई मारण री चेत्ता करता पण हाजी बाबौ कूड-कपट को बापरतौ ही नी । कदास हुसेनै रे दूध सूं, काम नहीं चलतौ तौ लोक उणरी ई मारफत धीजां गूजरां सं लेंवता । जिण सं बे तोल-मोल में ठगावै नही ।

हुसेनौ खातरी अरईमानवाळी हौ ।

एक बात धीजी ई ही । कोई उणनै आव'र लावारी सूं कैयतौ-हुसेना बाबा । छोरै-छोरी रौ व्यांव है, पइससड़ा खने थोड़ा ई है, दूध-भावाँ तौ थानै देवणौ ई पइसी । कई पइसा देय देसूं कई ओधार राखणी पइसी । जणै बाबाँ धीरज-ढाढस वंधाय'र कैयतौ-थारै जोईजै जितौ दूध भावाँ ले जायैजै । पइसा हँलै-सुस्तै देय दिये । देख भाई ! म्हारा पग मती तोबाये धरम पल्लै राखे । खरी नीवतवाळै, नै काई माल री कमी है, भोळा !

हुसेनौ पर उपगारी हौ ।

पितरा मेळै, औसर, बारियै, सिराध-झमझरी माथे हुसेनै रौ चोखौ माल बिकतौ । हुसेनौ धीजां गूजरां री दूध-भावाँ लेव'र आपरी मारफत बेच देंवतौ । सेठ-साहूकारां में वैरी आछी धीज-पतीज ही । इयां तौ वैरौ ई, गाडी घणौ सोरौ गुड़कतौ रेंवतौ ही । कदैई ओधार अटक जांवतौ अर धोक घास-कूस, नीरौ-चारी, गवार अर धान ओण लेवणौ पइतौ जणै पइसां री जहरत पइती इण भीकै माथे धौ सेठां-साहूकारां नै जाचतौ । हुसेनै री इमानदारी, मेळ अर भलाई सं, कोई ना करणी तौ आधोरयो, होठ रे फुरकारे सागै जोईजती जितौ रकम तोल देंवतौ । उण री बीपार ई चोखौ चलतौ ही ।

हुसेनौ आछी साख-सोभावाळी हौ ।

हुसेनै री ठिंगणौ खामणौ हौ, बडी-बडी आंख्यां, जाडा भंवारा, रेजी रौ चोळा अर रेजी री जाडी धोतियो गोडां साईतौ, अध पक्का केस, मूछयां नाक नीचै घली ओछी अर होठां रे किनारे तीखी, दाढ़ी च्यार-

च्यार आंगल री, हाथ में डांग, गळे में रंगदार अंगूठी, माथे पागड़ी गट्टी
फैटो अर पगां में देसी जाडा जूत हा ।

हुसेनो दसकत कर देवण जित्ता ई भणियोढी हो । मोकली चौपार
करतो, कड़े खनै चौपनिथे में अटकवाग लंवता । सिमरती ई बेरी पक्की ही ।
सगली घात जाए जीव उपर मंडी रेंवती । कणैई पछली, हुसेनो भड़ाक मूँई
हंसाव घताव देवतो । बे रें हंसाव में कदैई गोळ पड़नी को होनी ।

हुसेनो हंसावियो हो ।

कैवत है-अठे जोयीजे जिकीई उठे जोयीजे । अथे बने घूटापे आय
घेरियो ई । आख्यां री सोजी घणी ओछी पड़गी । खाली भाखी पड़ती, अथेती
अडवी-असरचो होवण सूं खांधो भाल'र हुसेनो घर सूं बार निकळतो । सरीर
री सगती घणी ओछी पड़गी । सारो दिन घर-गुवाड़ में बैठो रेंवता । माथे
माथे बैठो अल्ला-अल्ला करता रेंवता । छोरा सेवा करता । घर में हालई
बैरो कयो होवतो हो । घर-कुदंघ अर लेण-देण ॥ ई घणो सोरो हो ।

छेकड़ अल्ला री दरगा री तेढी आयो । पछे खळखळी तगादी आयो ।
अथे हुसेनोजी ओ चाल्या; च्यार जणा री चौकड़ी माथे, आपरी खसबो
खिडाव'र ।

बरस बीतग्या पण जस को वीतिरैनी । बेरी गुणारी खसबो सूं हाल
लोक मोयीजियोडा है । भोकै-टांके तो हाजी हुसेनै रौ घाटो अखरै ई नहीं-
घणो अखरै । पण जोर क्या बटे जद भगवान जिलम-भरण री जोडी-
रच दियो ।

सुखी बारीदार

सुखी बाबू रंग सांवली, आँखों बड़ी, बड़ी मूँछों, चबड़ी धोली दाड़ी, धोला-करड़ा केस, चरै माथे करडार्द अर अणभौ, आँखों रें नीचें लंबी रेखाओं, करडी चामड़ी अर गंडीजियोई। सरीर हाथ लक्कड़-भांत अर छुरियै दाई, जाड़ा भंवारा, काठो गोडा साइनौ धोतियो, डील खाखडियै दाई, सिंग दाई गरजना करतो, कूबै माथे बैठौ रैयतौ अर सगली बातों री निगराणी राखतौ। ऊँधर साठों नैड़ी पण कडक इसी जिको मोटियांरां ने छेड़ै बैठायै।

बो कूबै माथे रौल-राड करणियां जिकर करणियां, फालतू पाणी दोळणियां, नागाई-नकटाई करणियां नै, इसी दाकल देंवतौ जिको बांरो फाळजौ गिरे छोड देंवतौ। आगे सूं फेर कुचमाद करण री हीमत को होंवती नी।

सुखी बाबू कूबै रौ बारीदार हो।

कूबा साठी का-घणा ऊंडा। वणखरा पोकरणां त्रामणां रा।

पाणी बलधां सूं पादीजे। बारी, भायसै री वरत मूं कूबै में टेरीजे अर पाछां बलधां सूं खांचीजे। बारी, कूबै रें मूँडै माथे पूने जले बारी मोरणियों जोर मूं रागोलिया करे-आयो रें भरियो आयो। सुण'र खीली काढ़णियां, वरत री खीली काढ़े। हमें ती वरत रीस भरियोड़ी सरपणी दाई, सरडाटै मूं कूबै पासी दीई। बारी मोरणियों पग में पेरियोडे खेटर मूं वरत नै कूबै न्वने पूगतेई दबाय लेवें। यलथ वेने उठे मूं पाछी म्वांच'र मारण रें नाके पूगे।

खीली काढ़णियों अर बारीमोरणियों, दिन भर में चोला पट्टा कमाय लेवें।

कूबै माथे न्वाले रा डोल अर डोल्यां पड़ा रैवनी जिण मूं कोट्ट पाणी पीवी अर दाथ-मंडा घोवा।

भैंस री खाल रा टुकड़ा-सळू कोठै में भीजता रेंवता । चिलमियां सारु एक खानी छाणा, घुसता रेंवता ।

सुखलौ बाबो जूनो अर जाणीकार हो ।

कूबै रै पसवाडळी डावी-जीवणी कूंड्यां घड़ा भरणवाळां वास्ता भरी रेंवती । कूंड्यां रै एड़ैछेड़ै दोय जवर चंवडा ऊंडा कोठा तिरिया-भिरिया, पखालियां सारु भरिया रेंवता ।

सुखलौ बाबो घड़े अर मटकी री कचचो पइसां अर पखाल री एकानो भराई लेंवती । लोग लोभ में आय'र बेचड़िया लांवता अर पिणवार मटकी साथै, दूणिया-गूणिया अथवा चाडो भर'र मेलती, जणै बाबो कैवतौ-क्यों धरम पल्लै राखीनी रे । खाली लोभ रै मरिया भारां मरी, कूंडी तौ दोषण सूं रया ।

बाबो सगळां सूं नगदी पइसा हाथो-हाथ लेंवती । कई री ओधार करती तौ ठावै-ठावै री । गोळ घालणियां अर गिचळ्यां ग्रावणिया री दाळ बाबै आगै गळती का हीनी ।

सुखलौ बाबो डाठीक अर हंसावियो हौ ।

गायां-डांढां सारु चवडी ऊंडी कूंड्या भरी रेंवती । पंखेरुवां सारु कूंडा-ठीकरां में पाणी भरियो रेंवती । गरीब-गुरबां नैं बाबो मुफत में पाणी ले जावण देंवती ।

कूबै साथै कई नै न्हावण-धोवण री मनाई का हीनी । भलां ई निमट'र जावती बेळा बालटी-गूणियो भर ले जावौ ।

सुखलौ बाबो धरमावमा हो ।

छोड़ होंवती जणै तौ बाबो घरे रोटी खाय आंवती अर भीड़ होंवती जणै उठै ई मंगाय लेंवती ।

कणै ई काम रै मारियां फेट खावण नै ई पुत्रसत का मिळती हीनी । भांगरकैरो ४-१॥ बजी कूबो जोड़ती जिकैरो घू दुपारै री १२॥-१ बजी

कूबो छोड़तौ। मसां सू दो-अढाई घंटा आप'र बल्लधां नै सास खावण नै मिळती।

मुखो बाबो करडो खाटणियो ही।

घडा अर पखालां भराई रै हँसाव में बाबो कदेई भौड़ घालतो को हो नी। पण आई कोहीनी कै बाबै री आंख्यां में कोई धूड़ घाल जावै।

बरस भर में मुखो बाबै रै निखरची चोखी कमाई हुय जांवती ही। जात-न्यात में ई उणरो बडो काण-कायदो हो।

मुखै बाबै नै कूबै रै मालकां नै एक बंधी रकम २५०) ३००) देवणी पड़ती ही। मालकां रै घरे ३०-३५ घडा पूगावणा पड़ता हा। मालकां नै छूट ही कै चाबै जित्तो पाणी खांधै डोय ले जावो। कदास मालक पखाल सू पाणी मंगांवता तो यानै खाली दोवाई लागती। दोवाई ये बेळा एकानो पखाल ही। घड़ां सू पाणी मंगांवता तो जित्ता घड़ा, घड़ा-नाखणियो नाम्बतौ, बनलै में, उता ई घडा येनै दोवाई रै बट्ठे में मुफ्त भरण दिया जांवता।

मालकां रै मिंदरा-बगेच्यां में पाणी मुफ्त देवणी पड़तौ। मिंदरां रा पूजारी तथा बगेची रा सेवग चाबै जित्तो पाणी न्हावण-निमटणियां सारु खांधै उखण'र लाय सकता हा। इण तरे री करार नामो मालकां अर बारीदार रै बीच में लिखियोडो होवतो ही।

बाबो हुसियार बारीदार हो।

अबै किडै ये मजा ? अबै तो मसीनां मू पाणी निकलै। भाबी-संजोग सू बीजली जाय परी, तो, १) १॥) रुपिये पखाल विकै।

कई दिनां में लोरु पुराणे दंग मू पाणी काढ़णी ई भूल जानी। अबै सो पराये हाय खेती हे।

जे कदास अण चीती हुय जावै तो पाणी-पाणी रोंन्ना मरां।

बाबै नै खुटियां मोरुटा बरस हुयग्या। पण बैरी याद भूलीजे को हेनी।

रमजान न्यारियौ

रमजान बिचलै खाम्णै रौ, बड़ी आंख्यां, जाडा भंवारा तीखौ नाक,
गोरी गट्ट रंग, काळा भंवर केस, लांगदर धोती, सोयणै रंग री पागड़ी अर
पंजाबी पगरखी पेरतौ हौ। मुल्लां रै उपदेस सूं, पछै धोती री जागा पजामौ
अर पागड़ी री जागा टोपी पेरण लाग्यौ हौ।

रमजान नमाज पढ़'र कणै ई ठंडै-ठंडै में दिनगैई तौ कणै दुपारै रौ,
सहूकारां रै घरां, सोनारां रै दुकानां खनली तथा बीजी ठाथी ठाथी जागा री
धूड़, सीक्यां रै भाइ सूं बार'र छाजली में भेली करतौ। पछै बैनै फटक'र बैमें
आंख्यां गडाय देंवतौ। इयां करण सूं, बैनै, सोनै चांदी रा खेरा-खंडा, नग
अर कदे ई काई सोनै री जिनस लाघ जांयतौ।

रमजान न्यारियौ हौ।

लोक, नोरु-चारु करण जांवता जणै रोटीवाळा पइसा निकळता।
पण रमजान रै तौ आखौ दिन धूड़ रौ ई काम। कैयत ई है—न्यारियै धूड़ में ई
पाई।

रमजान, सोनारां रै घरां अर चांदी-सोनै री दुकानां रै आगली धूड़-
फूस मोल लेंवतौ। वंई सेठ-साहूकारां री हवेल्यां खनली अर कईं जिंटे कईं
लाघण री आसा होवतौ उण जागा री धूड़ भेली कर लांवतौ। आखी गळयां में
भटकनौ रेंवतौ अर आपरै जचती जिकी जागा री फूस भेली कर लांवतौ।
इण तरै घौ, आपरै घर खनै धूड़ रौ मोटी दिग्गी भेली कर लेंवतौ। पछै
सगळै घर रा धूड़ रै धंधै में लागता। एक खाड खोदता अर सगळी धूड़ बैमै
नाख देंवता। फेर बैनै एक पूरसूं छाणता। पछै कईं दिनां ताई धेरै ऊपर
पाणी छड़कता रेंवता। फेर बैनै फरकी कर'र बैरा लाइ बांधता।

सगळें लाडयां ने एक मोटें चूले ऊपर वरतण में राखता । सायत वने तिजाव री धूंधी देता कन काई बीजी रसायण री किरिया सूं, धूड री लाडयां मांय सूं चांदी, सोनी, तांदी अर पीतळ न्यारी-न्यारी काढ लेयता । घणी वेळा नी, ड्यांरी मैतत मोरुळी फळनी अर कदेई खाली मैततवाळा पद्दता ई निकळता ।

लोग इचरज करता के न्यारिया धूड मांय सूं चांदी-सोनी कांकर काढ लेयें हे ? कैयत हे—न्यारियो मोर पांख री सोनी उतार लेयें हे ।

रमजान हुंदरी ही ।

रमजान घर री आसूधो ही । चोखी लांवती-पीवती पेरती-ओढ़ती । घर में मोकळा गैणा-गांठा हा । दो-दो गायां ही । घर में धोणी ही ।

कजगार इसी ही के ३-४ महीना डट'र मैतत कर लेयण सूं घरस भर री गुजारी निकळ जांवती ।

रमजान सोनी-चांदी गाळिया करती ही । भागी-दूटी सोनै-चांदी री जिनसां किफायत सूं मोल लेय'र चाने गाळती पछै न्यारी-न्यारी डळपां बणाय'र बेच देंवती । नकली, असली अर चळणसार सोनै री, वैनै खरी परख ही । आपरें धंधे में, कई नै काढ'र को देंवती हीनी ।

रमजान चतर ही ।

रमजान ही हंसाळू, खुस मिजाज अर सीखीन । ईद री दिन देखी ती-साटण रा कपड़ा खरी जरी री टोपी, कलाबूत र कामरी पगरखी ।

रमजान में, रईसी री लटकौ ही । अम्नातीज अपर किन्ना री रुत में खूब धूंधा लगांवती । लटाव रा लटाव भरियोडा मंजे रा अर रंग-विरंगा बडा-बडा किन्ना लांवती । किन्ना ढील में लड़ना । लटाई नै, खळ-खळ टीलो छोड देंवती । किन्ना गुड़कता-गुड़ता थकास रा' तारा बण जांवता । पेच घुळना ती इसा घुळता जिकी ना तो सुळमता अर नाई कइरी किन्ना कटती । रमजान अर वै र घरवाळा डागळै माथे ऊभा जोर-जोर सूं हाका करता-किन्ना तोडिया मतीना भाई रे, पेच लड़ रया हे, किन्ना कटियो नही हे । किन्ना इती पेटो छोड़ती

जिकौ मंजौ माथै सूं ऊपर टिरतौ दीखतौ । किन्नां री लड़त में सइकड़ौं रुपया पूजीज जांवता ।

रमजान किन्नां री लड़तियो हौ ।

रमजान में, एक लत खोटी ही । नितरौ आखर बावण जांवतौ । बिरखा री सबदौ ई किया करतौ । नफौ तौ होंवतौ कदेसीक होवतौ पण घाटौ तौ नितरौ लागतौ ईज । आखर ऊगतौ जद क्यों पूछौ हौ रमजान री बात । खुसी री पार को रेंवतौ होनी । खूब आपरी तारीफ करतौ । पीरजी नैं सीरणी चढांयतौ ।

घर रे खनकर कोई सवदैवाळौ बेंवतौ दी सतैई रमजान, पैलड़ौ सवाल औ ईज पूछतौ-भाईजी क्या आखर खुलियो ?

रमजान सटोरियो हौ ।

गैमना पीर रे मेळै ऊपर, रमजान सगळे घरनै, ऊंठगाढ्यां भाड़ै कर'र पीरजी रे दरसणा सारु ले जांवती । चठै खूब ठाठ सं रेंवतौ, खांवतौ-पीयतौ । फकीरां नैं खैरात बांटतौ ।

रमजान धरमात्मा हौ ।

अथै रमजान बूढ़ौ हुयग्यौ । सोजी घणी कमती पड़गी । काम-धंधौ कंई बण आवै नहीं । आखौ दिन खाट माथै बेंठौ हुक्कौ पीवै गप्पां मारै । सुमत सूकै तौ अल्ला-अल्ला करण लागै । छेकड़ अल्ला वैनै आपरी दरगा में बुलाय लियो ।



सुगनों वहीभाट

सुगन लाई सोनें सें जुग देखियां हीं पण आज ती घेने लोरे जुग में जीवणी पड़ें है ।

दिनूगई, कागावासी छाण'र, दिसः-करागत सू निमट'र, खंखोळीं खाय'र, माथे परान धर'र, भुजिया-रुचोळीवाळें री हाट जावणां पड़ें है । उठे गिण'र नग लेवै । पाछीं घरे पूगे जिस्तें १०-१०॥ री टैम हुय जावै । पछे पेट नै भाडां देय'र, माथे, माथे गमछेरी ईदाणी बणाय'र, बैरै ऊपर लोरी परान धर'र, उभराणै पगां वरसती लाम, उछळने खीरां में, रेलघाट तथा मजूरां रैं कारखानां में पूगे ।

धोती ऊपर, लपेटियोई गमछे रैं पल्लै, कदेई तो सूफी भांग अर कदेई गोळी, जावते सू वांधियोड़ी राखती ।

५-५॥ बजी रैं अइंगई, सुगनी, किठेई, बूंदी-वासियां रैं अलाइं में जाय हकती । पछे लोरी परात पसवाइ मेल'र, गोळी नै छाण'र, निमटण नै जावती ।

केई मजूर नगदी पइसा दे देवता तो केई हकती या महीनी चूकती जणे देवण रैं कैयता । कांकरई फर'र आटे री जुगाइ दोरी-सोरी हुयई जावती ।

सुगनों ही ठिंगणें खामणें रैं, छोटी-छोटी आंख्या करडकावरी दाड़ी, ग्रधियोड़ी जटा, टींडसी दाई नाक, टिरियोडा कान, लिलाइ माथे संदूर रैं टीकां, गुंढयां बायरी चोळो, गोडा साईनी धोतियो अर हाथ में घोटो लियां घर री मारग लेवती ।

घरे पूग'र थोड़ीं टाबरां सं बिलम करण लागती । इत्तें ई ती, लुगाई नैकी सिरक'र धीरे-धीरे कैवण लागती-आज ती लूण बधे हैं, तेल परसूं ई

सुगनो वही भाट]

खूटग्यो हौं, मिरचाई आजोकीज है । पूछती-कई साग लाया हौ तौ दे दौ,
जिको सुधार छमक दूं । पछै बूटी रा दागा लागोड़ी गमछो संभालण लागती ।
पण साग किटै पड़ियो हौ ?

नसै री तार में, भारी गळै सूं सुगनौ उथळो देंवता-आपारै तौ दाळ
जोयोजै सागरो क्या करणो है । दाळई सदा सुवागण है ।

दाळ ई बधै है, थानै काल कैयो हौनी कै चारांनारी लेंवता आया ।

सुगनौ कैतौ-हूं तौ भूल आयो ।

जणै वा लायण चटणी बांटण बैठ जांवती ।

पछै सगळे जणा जीमण लागता जीम'जूठ'र दावर तौ सूय जांवता ।
बहू बरतण मांजती, ऊंचो पाचो करती ।

फेर घणी-बहू घरगिस्ती री बातां करता । बातां करते करते
ई, थकियोड़ा होवण सूं, दोनां नै मेरा आवण लागती अर हुय जांवता
गुडवापेच ।

सुगनै बाप-काकै री जमानो देखियो हौ । पुसकरणा बामणारी बड़ी
विरत ही, चारां वही भाट हा । विरतरा हजारों घर हा ।

दावर रै जिलमतैई भाट री वही में बैरी नांव मंडाईजतौ । भाट राजानै,
मान सं बुलांवता । आछो भोजन करांवता । ओछै सूं ओछा पांच रुपिया अर
घेसी आपरी आमना मुजब नाव लिखाई रा देंवता । कोई पांचै कपड़ा अर
गेणो देतो ।

गांव-गोठ में ई भाट राजा नै बरस में एक-दोय बार जावणो
पड़ता हौ ।

धियां अर हरस रै मौकै माथे आसूधै घरवाळी कोई-कोई, भाट
राजा नै, सोनैरा कड़ा-कंटी पैरांवती । आछा भोजन करांवती । वही में इण री
दासलौ दराईज तौ ।

कोई नथी हवेली घणांवती, खोळै जांवती अथवा और नामो-कामो करती तो बेरोई दाखली भाट राजा री बही में दरीज नी । इण मांके उणां री चोखो मान-सनमान हांवती, चोखी परावती हांवती ।

उण बेला, भाट राजा रै, किली बात री कमी को ही नी । चोली आदर मान ही अर सुख-सोरप सूं गुजारी होवती ही ।

किठे वा माईतां री बसत अर किठे लाई सुगने री जमाने । आवै सई के सूं ऊंचो होवण आयो, भाटांरी बही में नांव मंडायाने । आवै तो मरणे परणै भाट राजा आवै तो जीमजायो शिरतयाळां में बी हेत-उछाव रैयोई कोयनी । नहीं जणै, लाई सुगने नै क्यों खुडिया खुचरती किरणी पड़ै ।

शिरत रा हजारों घर हूँ घर दीठ घणा तो पांच, थोडा तो एक, भाट राजा नै नवा नांव लिखाई रा मिळणा सरू हुय जायें तो लाई सुगने री घर ऊंचो आंवतै क्या देरी लागे । दाळव बात री बात में, धुप को जावैनी ?

जात री पीढयां अर नामा-कामां री पूरा लेखी-जोखोई लिखीज जावै अर निकळ आवै भाट राजा रें गुजारैरी उपाव ।

पैला राज दरबार मै भाट राजा राजा री बही, पीढयां अर नातें री तादीक सारू पेस हुया करती ही । इण सूई बांनें लाभ पूगती ही ।

पण देस काळ देखतां तो म्हाारी ओ इतिहास अधूरोई पड़ियो रैवतो दीसै ह ।

भीखी भठियारों

भोर री ठंडी चेला में भीखों घास-फूस अर छोड़ा बाळ'र भट्ट चेतन फरती । पैला सरधा सं, ठाकुरजी ने हाथ जोड़ती जिकै सं कै बैरौ रुजगार पोखी चलै ।

भीखै री बहू बैरै खनै मती रै रा बीज, गउं, जंवार अर चिणा लाय'र मेलती ।

भट्ट एक खानी, घर रै आगे चौकी ऊपर ही । खनैई मोरुळी खुल्ली जागा ही जितै, बैरी बहू आपरी दुकान लगाया करती । चौकी माथै, घास-फूस री एक छपरी छायेझाँ हँ, छायां राखण सारु ।

इण काम सूं निपट'र, भीखै री बहू टावरां नै जगांवती । टावरां रा काळाकुट उणियारा, लुक्खा केस, पासळयां दीखै, कइ रै माथै रै केस इसा फतरियोड़ा जाणै भेड मूंडी जियोड़ी हुयै । छोरी रा भीटा बिखरियोड़ा अर मैल-परसीणै सूं चिपियोड़ा ।

फेर गूढ़ा सांठती, टावरां नै दिसा बैठांवती, बारां हाथ-मंडा धांवती अर बासी फूस-बारी काढ़ती ।

टावर, हरखांवता-हरखांवता, बाप खैन जाय बैठता । बाप किण तर-धान सेकै है, आ बात, आंखया गडाव'र देखता । एक-बीजे सूं आगे बैठण सारु लइण-भगइण लागता, आपस में, एक बीजेरा केस खांचता अर चूंदिया थोड़ता । कामरी चेला भीखों इयांरी बढमासी हां उफतर कैतौ-बळी आचडाई । फेर बहू नै हेलौ पाड़'र कै तौ-लेजा धारे कुण कयां नै ।

मा तड़कर कैती-आधा बळौ पीटणै पड़ियां अर घोंसर मांय ले जांवती । लुक्खा सोगरां रा टुकड़ा तोड़-तोड़'र एक-एक टुकड़ी सगळां नै देवती । सीराण में लायां नै ओईज मिळती अर इण सं वे राजी हुय जायतां ।

ठागुरजी रे घर सं रूप चंटती चेळा, भीखे री हाथ सगळां सूं नीचे रेयग्यां हों । वो काजळ रीं धीरीं अर कोयल रीं मासियाई ही ।

धू दुपारें, बरसती लाय में, वो घर सूं बाट निकळती । एक मोटी ओडी में, चिणा, मती रे रा बीज, धाणी, फूल्यां, धोटे-धोटे मेली कोयलियां में भर'र ढंग सूं जचायती ।

बीज दोय तरैरा-जुणिया अर अलूणा, चिणा तीन तरैरा छोलियोडा, विनाछोलियोडा अर लूणिया-दळदिया छोलियोडा राखती । एक पासी ठूलिया मेलती ।

माथे, माथे मेली-चीगटी विदरंगी पागड़ी, डील ऊपर फाटीं मेलीं चोळीं अर पगों में कारयां लागोडा जाडा जून पैरियोडी, भीखो, 'लौ चवीणी लौ चवीणी' कैवती, चाक'र गळयां में घूमती रती ।

ओळखियोडी बोली सुण'र, घर-घर सूं, लुगायां, दावर वैनै हेला पाइण लागता । आयो ई माजी, आयो ई दादीजी, आयो भाइया कैर, बाँ, सगळां नै राजी राखती । कोई पइसां रा तां कोई धान रा चिणा-बीज लेती । वो, सगळां नै, ठूलियां सूं मिण'र चवीणी देती । पइसा एक डब्बी में अर धान कोथळी में भेली करती ।

भीखी हँसावियो हों ।

सुकरवार नै खास तौर सूं बैरी घणी उडीक रँवती । वे दिन चिणा खावणा सुभ समंभीजे हें । वे दिन तां लाई नै केड ई को खावण देंवता हानी । हेली ऊपर हेली आवती । वे दिन वैनै दोय-तीन बार भाज'र घर सं, चवीणी लांक्णी पड़ती । बीजे दिनां सूं, आज बैरै चौगणी बिकरी होवती । हयां तां रोटीवाळा पइसा, आडे दिम ई, वो काढ़ लेवती हों ।

भीखे री बहू चौकी माथे बैठी चवीणी वाचया करती । दोयां री मजूरी सूं धाकी धकती हों ।

दोये सैणा अर घर लोचू हा ।

सिज्या पड़ियां सूं कई, क पैली भीखी घरै पूगतो । चिलम पीवतो ।
लुगाई बेरी आटो पीसतो । बौ बीजै दिनु सारु सामान लेवणनै चौबटे
जांवतो परा । भावताव चोखी तरै जाचर जिनस लेवतो ।

भीखी जाणकार बापारी हौ ।

घर आंवतै रात पड जांवती । पछै बौ हाथ मूंडौ धोय'र बिसाइ
खांवतो । टाबरां रौ लाइ करतो अर बानै रमावतो-रीमांवतो ।

इतै ई तौ बेरी बहू थाली पुरस'र ले आंवती-कखता-कखता सोगरा
अर लूण मिरचारी चटणी ।

भीखी संतोखी हौ ।

रातनै पाडे-पाडोसरा भठियारा बेरी चौकी साथै आय जमता । गप्पां
मारीजती । काय्या कैयीज ती । रुजगार-धंधै रै चलचाल री बातें चलती ।
चिलमां बेताईज ती । औईज लायां रै जी सोरों करण री उपावे हौ ।

भीखी मेळ अर मौजी हौ ।

भीखी तौ परलोक पूगग्या । पण दुपारै री बेळा कणैई-कणैई इसी
लखाईजै है कै जाणै बौ कड़क बोली में, 'लौ चबीणौ लौ चबीणौ' हेला
पाड़ै है ।

कावली नसीरुद्दीन

सळांदार मैलौ-मैलौ बणो ढीलो जाडो अर जागा-जागा चीगटो चोळो, पठ खांधें ऊपर लोरो लंबा भूंगळो लटकायोडो धीर्ज खांधें में एक गोथळी, माथें कुल्लो अर पेची अर पगां मै हाथ भर लंबा चरमर-चरमर करता जूत पैरियोडा 'हिंग लेलो, हिंग लेलो' कैवतो कावली नसीरुद्दीन, आपरै वेढे सागै जद म्हारी गळी में बडतो तो आणंद-री लैर वै जाती। घर रे आगै धरियोडें बडै पाटै ऊपर परवार'री मंडली में बिराजियोडा बैदराजजी हरख'र हेतसूं हाथ बधाय'र कैवता, 'आवो खान बादर, बैठो !' तो खां साव ई खुस हो न हकीमजी कै'र पाटै ऊपर बैठ जांवतो।

लुगायां खांसावरी ओळखयोडी बोली सुण'र बार आंशती अर एक-दो जण्यां रुखडी दादी नै बधाई देवण नाठती कै थारो 'कावली भाई' आयो है।

छोरा-छंडा किलोल करता ऊंतावळा-ऊंतावळा कैता—

मीयौ मछी मारणो,
कागै नै उडावणो,
कागै मारी टांच ए,
मीया मरग्या एक सो'र पांच ए।

गळी-गुवाइ रा बडा-बूढा छोरां नै तडकता अर कैता-कावली बाबोजी है, मीयो मच्छी मारणो नहीं कैवणो। दाकल सुण'र छोरा चुप का होय'र पाटै खने आय ऊमता। कावली बाबो कई छोरै-छोरी नै दो-चार काजू, कई नै थोड़ा सा नेजा, तो कई नै दो-चार बिदाम दे'र पूछतो—रुखडी राजी हय, गोमा राजी हय, जावो सबको सलाम बोलो, मेवा दूंगां। जणै छोरा ऊंतावळा-ऊंतावळा एक सागै ई कैता हां राजी है। अर नाठ'र आपरी दादी नै बुलावण जांवता।

पछै रुखड़ी दादी काबली भाई री थाली पुरस'र लांयती जिकै मैं जाड़ी-जाड़ी रोम्ब्यां, गवारफळी-खाखड़ी रौ साग, घी-खांड घाल'र चूरियोडो चूरमो-अर कटोरी भरियोडो दूध रो होवतो । बाबो कैतो लाहूला बैन, जणै रुखड़ी दादी भीठी भिड़की दे'र बैती-लाहू पडिया जाय है । लाहू कठै सूं लाऊं रे डाकी ? तू'तो घोघागटणो है । लाहू म्हारे हथै भतीजै यगा । सांभ'र राखिया है । तो भतीजै को जल्दी ला—कै'र बाबो जोर सूं हंस देवतो ।

जीमणा री मिठाई विकणी आंयती जद् दादी एक दो रुपयां री मिठाई मोल ले'र ह्यां बग्रां राख मेलती । थोड़ी मिठाई टावरौं साहू ह्यां-रै सागे कावल पण भेजती ।

जीमजूठ'र बाबो कोथली खोलतो अर बैन, बैन रै टावरां साहू कावल सूं लायोडो मेवो अर हींग देवतो ।

दादी अबै लागती ओलभा कादण-कदैई दो आंगळ रो पुरजो ई को मेलेनी, मोह चोर है । माफ करो बाई अब जरूर भेजूंगा, खुदा के फजल से घर पर सध खुश ह्यां कै'र बाबो पिंड छोडावतो ।

पछै आबोड़ी सगळी लुगाया सूं मीठो बोल'र कई न कईदे'र सगळ्यां नै राजी कर'र मुतलब री बात छेड़तो । हींग रो डब्बो खोल'र लागतो मात बेचण । कई कैती-याला बाबा ! तू'तो लोभी घणो, घणा दाम लेवै है । तो बाबो कै तो-अच्छा मरजी आबै दे ।' कई कैती-हींग चोखी कायनी कोरो भिरसो आटो चलै है । तो अचा-अच्चा दूसरा नमूना देवो बाई, अमारा हिंग माफक दूसरा हिंग नहीं मिलेगा, हमारा हिंग घात अच्चा है, घात सस्ता है, कैतो ।

बाबो दानों अर सैणों बोपारी हों ।

काबली नसीरुद्दीन कावल सूं हींग'र मेवा लाय'र अटै चोखा पइसा खड़ा करतो-अर अठेरी जिनसां कावल में बेच'र दूणो चौगणो नफो करतो । काबली बाबो पक्को हैसाधियो हों ।

काबली बाबो आपरो अघेलो ई को छोडतो होनी बीजेरो भन्नाई पइसो
वेमैं रेजावो । पाई-पाई उघराई कर'र पछै काबल दीसी मूंडो करतो ।

काबली बाबो पूरो लोभी हो ।

सबदो पढायण सारू बाबो कूड कपटई केवट नेती हौ । आपराँ माल
हलको होंयतो तौई, अमारा माल बौत अच्छा हय, हम बुद्धा हय, जूट नहीं
बोलता । अमारा भाय सस्ता है, कैर सबदो पढाय लेतो ।

काबली बाबो चोखो चंद अर चरियोडो हौ ।

काबली बाबै री उमर ७० रै अडैगडै ही पण तौ ई चैरो लाल, बड़ी-
बड़ी आंख्या, जाडा भंशरा, मैदी सू रंगियोडी दाड़ी, उफसियोडा जबाड़ा अर
केस करड़काबरा हा । क्यों नहीं हो वे, उमै खांधै मेवा चरतो हौ अर चोखो
खायतो हो—खाध फरै उपाधा । आपां रै जठै बूढ़ां दाई बैरो मूंडो होऊँ दाई
पोलो, आंख्या रा खुद्धा बैठोड़ा, जबाड़ा चिपयोड़ा अर कबाड़ा भिलियोड़ा वो
हानी । थापई अठै रे डेणां नै चोखी सुराक अर धपटवां मेवा कठै मिलणनै
पड़िया है ।

काबली बाबो कड़कवालो हौ अर बत्तीसी खांडी को हुथी ही नी ।

काबली बाबै-रो बेटो बैसू घणों चोखो'र खरो हौ । कणै कणै ई बाँ
एकलो आंधतो जणै सगळै बैरै खनै मेवो अर मोहली हींग लेता कूडौ बाँ-
कपटी को हौ नी । बैदराजजी ओणनै बाँ 'खुदाई खिदमतगार' दळ री बातं
सुणावतो जिकै रै बाँ एक सभासद हौ ।

काबली बाबो अर बैरी बैन ठाकुरजी री दरगा में पूग गया, पण बांरी
याद हालतां ई कालरी बात दाई बणियोडी है ।

इतैई तौ मंडली आय जुटती खडकण लागता एकतारौ'र कांगसिया ।
चेतती सुल्फैरी चिलमां । नसैरी धुन में वे किणी बीजै ई लोक में विचरना ।

अलखियौ बाबौ सतसंगी हौ ।

दिन ढळियां सिला माथै रंग लागता । भांग धूँटी छणती । जरदा
पती लागती । मंडलीशाळा निपटण जांवता । चेली आया-गयां री टैल करती ।

अलखियौ बाबौ अखाडची हौ ।

पछै लोग-लुगायां आय पूगती । कोई कैशती छोरै री पग कूंडालियै में
आयग्यौ दीसै हें । भाभडा-भूत ताव रैवै है । कोई निजर री डोरै कर
देवण री कैशती । कोई कैवतो म्हारी लुगाई ऊपर कैणई टूणा टामण कर दिया
दीग्यै है, अधगेली हुयगी है । दावर हाथ लागे कोयनी । कोई कैशतौ म्हारै
घर में मंगलवार नै किणी सूयां सूं बीधीजियोडौ संदूर चरचियोडौ पूतळौ
नाखग्यौ है । जवसूं ई म्हारै घर में रू-रू में पीड़ उठगी है । कोई कैतौ-मनै
डर है कै म्हारौ बैरी कठैई मनै मूठ नहीं मार देवै ।

बाबौ सिनान कर'र लाल यमतर धारण कर'र सगळां नै उपाव
बतांवतौ । भाडा-फंका, डोरा-गैडा अर ताबीज देंवतौ ।

कणैई कईनै बिच्छू सरप स्नाय जांशतौ तौ बीई उँई आय पूगती ।
बाबौ भाडौ दे'र जैर उतारतौ ।

लोग दुखी आकळ-आकळ आंवता खुसी-खुसी जांवता ।

अलखियो बाबौ परोपकारी हौ ।

सिज्या पडन सं थोडो पैली अलखियो बाबौ आप रे लटूरिय केसां
ऊपर राख रमावतौ, लिलाड़ माथै संदूर री बड़ी टीकी लगांवतौ, चूकियां माथै
घूघरा पोयोडो काळौ लंगी डोरो कस'र बांध ती सरीर ऊपर राख रमांवतौ,
कंवर में घूघरा बांध तौ पछै टणमण टणमण करतौ मैरु भोळी लेर घर-घर
मूं आटो मांग ती । हींगळू दाई आख्यां, वेदंगौ भाज अर घूघरां री घमक
रै मानै धेरै 'वम-वम', 'अलम्व-अलम्व' री वाणी दावरां अर कंवरळै काळजै
जांशतौ नै जांशतौ ।

आटो पैला खप्पर में लेंवतौ, पछै मैली-चीगदी मोळी में घालतौ, इणतरै, बौ सैर री गळ्यां में घूमतौ कदास कोई आटो नहीं घालतौ अथवा जेज करतौ, तौ बाबो बैरै घररै आगै पांच पग आगै पांच पग लारै धरतौ कवाज करतौ रैतौ । गिस्ती नै अथपर आटो घालणौ ई पड़तौ जणै धरणौ छोडतौ ।

अलखियो बाबो धरणौ देवणियो हौ ।

घरै पूगतौ जितै रात पड जांवती । पछै दिसा-फरागत सूं निपट'र सिनान करतौ । फेर भैरुजी-हड़मानजी रै जोत करतौ अर सदा मुजब कवाज करतौ-करतौ पाठ करतौ रेंवतौ । इतैई में चेलो टिक्कड सेक लेंवतौ । पछै भोग धर'र, दोये जीमण लागता ।

कारज सिद्ध होवण सूं, सरधाळू-भगत मोकळी सामगरी पूगाय देंवता । फक्कड भोग धर'र आप परसाद लेंवता अर सगळां नै बैच देंवता ।

एक बार, एक भगत पांच सैर आटो घी, खांड, अर मोकळी मेथो लायौ । जोत सांरु अछूतौ घी राख'र बाकी सामगरी री भोग रांध लियौ । घी खांड रौ चक्कचक चूरमौ बणियौ, मांय मेथो पधराइजियो । पछै टिक्कड रा दरावर-दरावर पांच भाग करीजिया । एक गाय, एक कुतै एक पंखरुवां रौ अर दोय बीजा ।

पछै सकोरै में, एक बडो खीरी राख'र ऊपर सूं घूष घी सींच देवतौ । फकदैणी सी जोत जाग उठतौ । थोड़ी चूरमां जोतरै ऊपर मेलतौ । पछै भोग धर'र परसाद सगळांनै बैचीजतौ । इण तरै सामगरी काम में आवती ।

नगदी भेट री, भांग बूँटी, सुलफौ, गांजी, जरदा पत्ती आय जांवती ।

अलखियो बाबो फक्कड हौ ।

अलखियै बाबै नै परलोक सिधारियां मोकळा चरस हुय गया । हाल लोक बैनै भूलिया कोयनी । बैरै अस्थान रै खनकर निकळतै पाए बीत्योडी सगळी वातां याद आयै बिना को रेंवैनी अर इसी लखाइजण लागै जाएँ अलखियो बाबो कवाज करतौ पाठ कर रयौ है ।

रामलौ भंगी

जागा-जागा फाटोड़ी, मैलौ कुच'र ढीलौ ढालौ धोळौ, मार्ये लीरा लटकतौ दमालौ अर पगां मै दोय मेळ रा खांसड़ा पैरघां, रामलौ बापडी, सीयाळें री ५ यजी, सामी ठंडी हेल चलती जणें, म्हांरी गळी मै आंवतौ ।

धौ हाथ मै एक छाजली, वगल मै बासांरी सीक्यां री लंघौ भाइ अर खूजे मै, टूटोड़ी चिलमड़ी राखतौ ।

गळी मांय सूं फूस-फांडो चुगर पैला थोड़ी सेक करतौ । इयें खूणें सूं ये खूणें तांड, सगळी गळी, चारतौ । टणी तैर एक रे बाद थीजी गळी भाइतौ । पैरी बिरत बडी ही ।

मू'घारें थकै, पैरी बह, फाटा घाघरियो पैरघां, पूर-पूर मैलौ ओढ़णी ओढ़िया अर आगै-आगे गधी नै टोरियां आंवती अर आपरें धणी नै जाजरू भगवण मै मदत देवती ।

रामलौ गळी री भंगी हौ ।

लोक जद सीरै मारिया सीरख मांय सूं मूंडी ई को बाढ़ता हानी, तद, लाई रामलौ काम मै जुटतौ हौ । हाथामूं काम करतौ अर मू'डै सूं मीठी राग मै ठाकुरजी रा भजन गांवतौ ।

रामलौ भगत हौ ।

सूरजनारायण जद ऊंचा चढ़ता अर गळी तावडै सूं भरीज जांवती, जणै टावर-टीकर तावडी लेवण नै नीसरता । सी-सी करता सगळे गांवता—

काढ़ौ सूरज बाबा तावडियो

जीबै थांरी डावडियो

फेर — सी पडै छै बाढ़ौ

कुप्पी सैं घी काढ़ौ

रामूडै रौ छोरौई तावडै में एक पसवाडै ऊमौ रेंवतौ । छोरा बैनै काकरा मार'र कैवता-आघौ बळ भंगीडा भीटलेसी । छोरो कैवतौ-मां बाप हूँ, तौ घणौ आघौ ऊमौ हूँ । जणै छोरा-चिघ'र कैवता साळा ! थारी छैयां पड़ै हेनी ? रामलौ सुण'र उल्टो आपरै छोरै नै तडकतो अर बीजै खानी जाय'र, ऊमौ रेंवण रौ कैवतौ । गळी रै टाचरां नै कैवतौ-हुकम कंवर साव रा, वणिया राखो मादेव ।

रामलौ जरणावाळा हौ ।

काम पूरो कर'र रामलौ घर-घर सूं रोटी मांगतौ । ठंडी-भासी रोटियां अर बासणै-कूसणै साग-दाळ सूं रामलैरी ओड़ी भरजांवनी । कई घर सूं, रोटी नहीं मिलती तो रामलौ कई को कैवतौ होनी ।

रामलौ संतोखी हौ ।

गळी में स्वाड-पिण्यार रौ काम पड़तौ, तौ रामलौ, मई नै-मास ताई, मैलौ उटांवतौ । जिकै रे बदळीं में बैनै रोक रुपियो, धान अर स्वाड रा, मैला गिदा गाभा मिलता ह। । बीजौ स्वाड रौ नेग ई मिलतौ ।

उतारु मैला-फाटा कपड़ा, बे ई केई दार हाथा जोड़ी करणै सं बिरतवाळा, बैरै सामां बगाव देंवता । इण तरै रामलै रै पेरण-ओढ़ण री सगवड़ होंवती हौ ।

गळी में, गाय-ढाढो, मिन्ती-कुत्तौ अर चिड़ी-कबूतर मर जांवतौ, जणै रामलैरी बडी पृछ होंवती । जित्ते, मरियोड़ी जिनावर घर रै आगे सूं नहीं घीसीजतौ उतै घरवाळा खाय-पीय सकै नहीं । रामलौ मरियोड़े जिनावर नै, घीसतौ जणै जाय'र संकट मिटतौ । इथे री बैनै धान-रोटी अर पईसां मिल जांवता ।

वौ मरियोडै जिनावर री खाल काढ़'र चौवटै में दामां री पूरी कस-वड़ लगाय'र बेच देंवती ।

रामलौ हुसियार बीपारी है ।

गळी में, जीमण-जूठण होंवतौ जद रामलौ मवडै सामौ वैठो रेंवतौ । गाय-ढांढां अर गिडकडां नै काढ़तौ । कैवतौ रेंड-जूठ, मने घताइजो मां-बाप !

धूड अर पाणी में भीजियोडी रेंठ-जूठ, एक कड़ाई में बैरी खातर नाई भेळी कर राखतौ ।

लाई सीयाळी में आधी रात तांई आस लगायां मयई सामौ बैठौ रेंवतौ । काम-काज निभटणै सूं कदेई तौ घर-घणी बै बेळाई रीत री मिठाई पुरस देंवतौ । कदेई 'दौड़जा, काल पुरससां' कैय'र, आड़ी जड़ लेंवतौ । बापड़ी 'जो हुकम' कैय'र घर रौ मारग लेवतौ ।

दूजै दिन रामलौ पावड़ी कुदाळौ लेय'र आंवतौ अर भठ्यां रा कोयला काड़तौ । घोरयां में भर'र लेजांवतौ अर बेच'र टका खड़ा कर लेंवतौ ।

रामलौ घर लोचू हौ ।

भंगीड़ा रातनै थकाण मिटावण अर जी बेलावण खातर दारू पीय'र फेल करण लागता । पण बौ हौ रामदेवजी री भगत । दारू रें सामोई को जोंवतौ हौनी ।

मिंदर में मंडळी में बैठ'र मस्ती सूं बौ इकतारै ऊपर सयद् गांवतौ अर आपरी जिनागरां जिसी जूण रें दुख नै भूल'र किणी बीजी आलोक भोमका में बिचरतौ । भंग्यारी मंडळी में बौ, 'मारज' बजतौ ।

रामलौ झानी हौ ।

केई खोड़ीला मिनख तौ, लाई रामलौ सूंई मांथौ लगायां बिना रेंवता को हानी । बे कैयता अठै सफाई को करीनी, उठै को करीनी । रामलौ 'लौ मां-बाप' कैय'र सफाई करण लागतौ । पण खोड़ीला खोड़ थोड़ै ई छोड़ै है । बापड़ी उफत जांवतौ । अठिनै बौ साफ कर'र जावै उठिनै बे फेर गिदगी बिखेर देवै । ऊपर सूं समोग औ देवै—काम नहीं होवै तौ छोड़दे विरत थारौ बाप बीजौ आय जासी । घणी उफतिगोड़ी रामलौ कदेई रीसमें जबाब देय देंवतौ किणरी जाड़ है जिकौ म्हारै ऊपर आय जावै । आवै जिके नै न्यात में खैणी है'क नहीं ।

रामलौ किरकैयाळी हौ ।

विरधु सेवग

विरधु रै बघेपो को होनी । दोई जणा ह्य—आप अर बहू । विरत बडी ही जिकै सूं मजै सूं काम चलती हो ।

बहू विरत रै घरां में आडे दिन बडी पापड़ करावती । हाथकाम, जिदोई, जनोठण, विरध, मायरे मोसे रै, जान, बरी अर भाईपै रै मंगलीक टांकडां में बैरै कामां री पोट खुल जांवती । पोकरणै विरामणा में साथै ऊपर सामूहिक जिदोई अर बियां हुयै । लायण बहू नै, सास खावण नै ई बखत को मिलती हीनी, फाई फींटी हुय जांवती । तिकै ऊपर तेड़ै ऊपर तेड़ा, जितै मोड़ी पूनै उठै ई ओलमौ । इण मौकां ऊपर वा तेड़ा हांकारा, धान सोवणो चुगणो, मसाला पीसावणा, मणाबंध बड्यां पापड़ करावणा अर मंगलीक गीत गवावणै में, अंग तोड़'र मदत करती । जिकै रै वदलै वैनै चोखौ रीत रफानौ मिलतौ, कपड़ाई मिलता ।

विरधु रैई इण मौकां ऊपर खांच-ताण रैवती । वैनै ई, तेड़ा हांकारा करना पड़ता अर विरत रै घरां में हरेक मौकै साथै हाजर रैवणौ पड़तौ । मंगलीक संख धुनी करणै री तौ बेरी खास काम ही । वो सगळां सूं आगै आगै संख बजावतौ दुरतौ पछै सगळे लारै दुरता । सामूहिक काम होवण सूं, वो कपड़'र वो कपड़ै । लाई कइ नै उत्तर दे सकै नहीं । कणै ई, कायो होय'र, लाचारी अताय'र, हाथा जोड़ी करै तौ घर धणी री मंडी चढ़ जावै तोर वदल जावै ।

इत्ती खांचा-ताण, हैरानी अर कामरी मार सैवणरे वदले में विरधु अर बेरी बहू नै, इण मौकां साथै, नेगचारै रै रूप में जित्ती परापती होवती उत्ती सूं सारी कसर निकल जांवती ।

विरधु विरत री सेवग ही ।

महादेवजी री मिंदर क्या ती श्रीमाली ग्राहण क्या सिन्धासी अर क्या सेवग पूजे । तो सित्र मिंदरा रें पूजन री सेवगां री चाली बंधियोड़ी ही । कई री चाली दिनांरी आंवती तो कई री मईनां री । विरधु री ही चाली आंवती । उण बेला री चढ़ावो पइसा टका नारेळ, चस्तर, चावळ सोनारी अर महादेवजी ऊपर दळ्यायोडो दूध अर घी विरधु नें मिळतो ।

विरधु पूजारी हों ।

विरधु नितुरीरों विरत रे घरां में फेरी फिरण जांतो । हाथ में एक बड़ी थाली अर वेंमें मेलियोडी एक छोटी कटोरी चंनण सूं भरी रेंवती । 'जें ठांकरजो री' केंर बाँ, घर में बड्नी । घरवाळा चंनणरी टीकी लगायर, एक मुट्ठी आटो थाली में घाल देंवता । घरे पूगती जणे थाली आटे सूं भरीज जांवती ।

विरधु फेरी फिरणियो ही ।

मरणें जिसे अमंगळीक मौकां ऊपर बैरे अर बेरी बहू रें मोकली काम-फाज खुल जांवती ।

मरणवाळें बूई प्राणी रे लारे खीचडा होवण री रीत है । 'खीचडा' मृतक भोजन नें कैवै है । आदू री रीत ती आही कै खाली बाजरी री खीचडी अलूणो रांधीजती । जिंदोई दारां नें एक मिरियो अर बाकीरांनें एक टीपरी घी मिळतो । पछै कढ़ी अर फिलका होवण लागल्या, जिकै खाली बडा नें घालता टावरां ने नहीं । जिकैसू बधते-बधते, आ रीत थागा देवगी । अद्यै ती फुरवां भोजन होवण लागल्या । खीचडी ती कोई नहीं करै बढळें में चावळ दाळ अथवा खीचडी करै ।

ती विरधु नै, भाई-बिरादरी रे घरां में खीचडां री नैती देवण नै जावणो पड़ती । भदर होवणो पड़ती ।

बेरी बहू, काढ़े मेलै में, पूङ्यां बटावण में, दाळ दळ्यावण में, आटो पीसावण में, धान चुणण में अर मसाला पीसावण में अंग तोड'र मदत देंवती । दोये धणी बहू उठै ई जीमता ।

बिरधु कारू हौ ।

बलत बदली । सेवगां अर बिरतवाळां रा सम्बन्ध मीठै सू खारा हुयग्या । सेवग कैवण लागा म्हे वामण हां, सूदर कोयनी । इतिहास पुराणा रे पूरावै सू वे आपने शाकद्वीपी ब्राह्मण सिद्ध करण लागा । बड़ी बड़ी सभायां कीनी ।

पुसकरणा ब्रामणां सेवगां सू आपरै मिंदरा री पूजा छोडायली । इणां भहर होवणौ अर खीचड़ा जीमण बंध कर दिया । मरणै-परणै आवणौ बंध कर दियौ । दोनां री नातो दूटग्यौ । सेवगांरी जागा गौमाळी काम करण लागा ।

बिरधु ई बिरत छोड दी ।

बिरधु री बिरत रे घरां में घरवाळा जिसी माण-काण ही । टावर-टीकर, बेनै फाकौ-थावौ केर बतळांयता अर जीकारो देवता । बीई सगळां सू माईदां जिसी वरताव राखतौ ।

बिरधु अर बेरी बहूनै परलोक सिधायानै मोकळा बरस हुयग्या ।

मेळजोळ री मीठी वातां, मीठी टेम टल भलां ई जावौ पण बरसां छेदै ई बैरी भीणी मीठी सिमरती मनां में मंडी रेवै है ।

आज ई पुराणी रीत-रिवाज री चरचा चलै, जणै, बिरधु री सांगोपांग चितर एकरसी आंख्या आनै फिरण लाग जावै गोरी रंग, ठिंगणौ खामणौ, अध बिचली आंख्या, लिलाइ भायै चंनण री आड, वानां में मुरक्यां व भंवरीयो, डील उपर चोळी, सांधे डुपटो, गोडां साइनी धोतियो अर पगां में देसी पगरखी ।

रुग्घो खल्ला गांठणियो

आंखश काढ़तै, धैसाख-जेठ रै तावड़ै में, हथारै बजी रै आसरै, वयां में खालड़ै री थेली लटकयां, खांधे ऊपर नींगलियोड़ी अर स्याळ आयड़ी दूणियो लियां, घोटी री भागी-दूटी अर चींध्यां लपेटियोड़ी लकड़ी रै सायरै, खाथो-खाथो पग उठांवतौ, रुग्घो, म्हारै चौक में, आया करतौ ।

तुककी-मुक्की करड-कावरी दाड़कली, काळी दराय उणियारो, माथे ऊपर बिदरंगी लीरा लटकती पाग लपेटियोड़ी, टाट उघाड़ी, मैलौ कुच गुंधयां वायरौ चोळौ पैरियोड़ो, आंख्यां नीचे छोटी-छोटी रेखायां अर कान टिरियोड़ा देख'र, सैज में ई, इंदाजौ लाग जांवतौ, कै, रुघै मोकळा सीयाळा-ऊनाळा देखियोड़ा अर ठंडी ताती सैयोड़ी है ।

चौक तावड़ै सं भरीन जांवतौ । जणै, सेठ गोमदरामजी रै पाटै रै नीचै, मैलै पाणी री कूंडी खनै, धूड़रै बिछाणां ऊपर ई, अबधूल दाई, रुघौ, टांगड़ा पसार'र, थोड़ी बिसराम करतौ । पछै, सेठां रै घरसूं, पाणी री दूणियो भराय'र, आंख्यां छांटती, पाणी पीवतौ अर चिलमड़ी चैताय'र दम लगांवतौ । फेर, थेलै मांय सं, बोदी खाल रा टुकड़ा, नवी खाल, सूत री गेड़ी, जाडी सूई, सूधौ, खाल चीरण री तीखी मूठदार पाती, छोटी चौकोर भाठो अर खाल भिजोत्रण सारू पाळसियौ काढ़'र, ठोड़ री ठोड़ जचांवतौ । एक पसवाड़ै दूणियां अर दूटोड़ी चिलमड़ी मेलतौ ।

चौकरा, सगळे, रुघै री माण-काण राखता हा । लुगायां, बेरै आंगै सूं, पगरखी पैरियां को नीसरती ही नी । कदास, मूल'र अणजाण में, कोई नीसर जांवती, तौ, रुघो बैवतौ-आ तौ खसम रै माथे ऊपर खल्ला ले जासी । लायण, लजसाणी होय'र, भट ई, पगरखी, हाथ में उत्राय लेंवती ।

चौकवाळा, क्या साईना क्या छोटा, सगळे बैने, 'रुघौ दादो' कैय'र वतळांवता हा। मरणै-परणै, जिलमणै-खूटणै ओणरी, बैने, पूरी-पूरी ठा रैवती ही।

धीनण्यां अर टावरां री, फाटी पगरखी, देखतौ जद, टो'कर कैवतौ-खोलजा पगरखी, इणै गांठ देऊंला, कदास पग मै, कई खुम जावै जणै। वां री पगरखी री गंठाई को लेंवतौ हौ नी। बड़ा-बूढ़ा, आपेई, आपरी पगरखी री गंठाई देय जांवता तौ ठीक, नहीं जणै, दादौ, तगादौ को करतौ हौ नी।

कदेई, दादौ, बातां मै लाग जांवतौ अर सिज्या पड़ जांवती, तौ, कई न कई घर सू, ऊनी दाळ-रोटी आय जांवती। दूकै मै, चौक मै, बैरी, माईतां जिसौ माण हौ।

जीमण-जूठण मै, कारू-कमीणां नै, बीदौ निबड़ियै पछै, नेग पुरसै है। पण, दादौ नै तौ, माण सं बेगोई जीमाय देवता अर टावरियां बगां कई घाल देवता।

सीयाळे मै, महरसै री छुट्टी रै दिन, तावड़ै मै, छोरा, वादें खनै, बूझ बूझाकड़जी रा चुटकला अर काण्यां सुणता अर घणै राजी होंवता।

साईनां, दादौ सू, गिस्ती री बातां मै, सलासूत लिया करता।

एक बार, गोमदरामजी रै घरै, छोरी री व्यांथ हौ। मिठाई बणावणै अर जान जीमावण सारू कोटड़ी जोयीजती ही। एक कोटड़ी, सगां री ही, पण वे, हां-ना री खुलासा उथळौ नहीं देय'र, टरकांवता हा। कदे, कैवता-मुनीम जी मांथ कोई नी, कदै कैवतां कूची। फलाणै नै दियोड़ी है, मंगावणी पड़सी।

एक दिन, गोमदरामजी, पाटे माथे बैठा, आई बात कर रया हा। इत्तौ मै, रुघौ बोलियो-इसा ई क्या सगा-सोई जिको कोटड़ी को देवैनी। क्या कोटड़ी घसीजै है? क्या कोटड़ी री कानौ तोड़ लेसां? क्या कोटड़ी सारै ले जावेला? माईत ई, म्हारी-म्हारी करता, अउ ई छोड़ग्या। आज, म्हारै सागै, कई नै भेजौ, देखां कांकर कंची को देवैनी। बात रा टका लागै है, गोमद भाई।

गोमद, एक जणै नै, दादैं रै सागी कर दियो। दादैं, ले ठाकुरजी रै नांव'र जाय खटकियो। जै रामजी री कीनी अर चाबी भांगी। सागी ई दरकाऊ उथळो मिलियो-मुनीमजी चौवटै गयोड़ा है।

‘कदसीक आसी ?’

‘आ कूण जाणै।’

‘भला माणसां ! कुंची री खातर क्या नित-नित गोता घालो हौ ? म्हां रै फोड़ा पड़ रया है।’

‘फोड़ा तो पड़ता ई होवैला। मुनीमजी नै आय जांवण दी। चाबी पूगाय देसां, थे भलाई सिधावो।’

‘हूँ, अठै ई बैठी हूँ। इयै मिस, मुनीमजी रा दरसण तो हुय जावेला।’

‘मरजी थारी’

‘सेठसा किठै बिरजै है ?’

‘वे क्या करैला ?’

‘मालकां ! थे, वानैं, म्हां रै आयां री, खड़क तो पूगाय दी।’

इतैई, सेठ सावरी बग्घी री घंटी सुणीजी। दादैं, जै रामजी री कीनी। ‘सेठाई पाछी जै रामजी री कर'र पूछियो-बोलौ, कांकर आवणो हुयौ ?’

‘गोमदरामजी री बाई री व्यांव है। आपरी कोटड़ी री कुंची मंगाई है।’

‘खुसी सूं ले जावौ। बांरी'ज कोटड़ी है। पण थोड़ा ठेरी, मुनीमजी नै आय जावण दी।’

‘मालकां ! मोकळा दिन फिरतां हुयग्या। आजतो, आप, कांकर ई कर'र चाबी दरायई देवौ तो ठीक रैवै।’

घणा दिनां सं फिरौं हौं अर चाबी को मिली नी ?

अवै ई किरपा कराय दी तो घणी आछी, मोटां सिरदारं !

सेठ सा, फट ई, सईस नै, चात्री लावण री कैथी । मिनटां में ई,
चात्री आयगी । दादे लाय'र गोमदरामजी नै सांपदी ।

कदे-कदे, पोतौ अड़ी करतौ जद, दादो बैनै, सागै टोर लावतौ ।
धौक बाळा लाइ सूं बैनै, दुपारौ देवता । घर जाती बेळा थोड़ौ मीठौ-चूठौ
अर दावरां रा उतारु गाभा देवता ।

आज बै बात नै मोकळा बरस हुयग्या । दादौ अर दादे रा साईना,
सगळे सरगापुर सिधार ग्या । पण, हाल ई, जद हरिजन आंदोलण री
वातां छिड़ै, जद, रुघै दादे रै मीठै मेळरी चरचा चलियां बिना को रैवैनी ।



श्रीगोपाल ओझा

श्रीगोपाल सांठां सूं ऊपर हा पण कड़क पचासावाळां जिंसी ही; सांवळीं वरण, धोळा केस, फूल गुलाबिया पागड़ी लिलाइ माथे केसर री टीकी, आंख्यां बडी चस्में सूं दकियोड़ी, जाडा भंवात, टिरियोडै कांना में मुरक्यां, ऊजळी चोळी, खांधे डुपटो, गळें में मूंगियां री माळा, बगल में टीपणी, मीं पोतांवाळी ऊजळी धोती, हाथ में जाडो गेडियौ धर पगां में पंजाबी पगरखी ।

इयां री बिरत बडी ही अर बडो ई हो सेठां-सहूकारां में मान । एक तौ औस्था में बडा, फेर पद में, जिणसूं, सगळे इयां नै पगोलागणा किया करता हा ।

श्रीगोपालजी ओम्हा हा ।

बिरत रै घरां में थाळी बाजतै ई, ओम्हा जी नै तेडो आंवतौ । ओम्हाजी आय'र टाबर री बेळा लेंवता । भाई-बिरादरी, गळी-गुवाइ अर मितर बधाई देवण सारु भेळा होंवता; घर-घणी नै पौसावतौ तौ सगळां नै एक-एक नारेळ देंवतौ ।

श्रीगोपालजी जोतसी हा ।

टाबरां री, जिन्दोयां पड़ती, तौ ओम्हाजी री चायना होंवती मिरग-छाला, डंड, कोपीन, खडाऊ अर होमरी सामगरी, एक दिन पैला आय'र ओम्हाजी मंडाय जांवता । जिन्दोईवाळें दिन, देवतावांरी भेट अर दाना सू परवार, गिस्ती आपरी सरधा सारु ओम्हाजी री सेवा करतौ । उण दिन ओम्हाजी टाबर रै कान में गायत्री मितर सुणांवता । कैयता-देख बेटा, अबै तूं जिन्दोईदार हुवग्यौ है, रोजीना गायत्री री जप करे, सिंघा करे, बिल में मूते मती अर गाय नै चंघती नै बताये मती ।

श्रीगोपालजी दीक्षा-गुरु हा ।

बियां रै सावा में ओम्हाजी नै सांस लेवण नै ई बखत को मिलती हीनी । एक रौ तेड़ौ, बीजै रौ तेड़ौ, तेड़ै ऊपर तेड़ौ । ओम्हाजी फाया-फोंटा हुए जांवता । पण कमाई ई इण मौकै मौकळी होंवती जिणसूं कसर निकळ जांवती । हरेक घर सूं [५०] सूं कम तौ क्या मिलता, वेसी भलाई मिली । मन्ना अर जनोठण ओणरी रसोई में ओम्हाजी रै घरवाळा मदत दरांवता ।

जिन्होई अर बियां ऊपर कई जजमान रौ हाथ तंग होंवतौ तौ ओम्हाजी चीठी लिखाय'र अथवा अडाणगत माथै रुपिया ओधार तोल देंवता वैरी काम कढ़ाय'र, तीजै कान ठा को पड़ण देंवतानी ।

ओम्हाजी आडी चेळा रा मदतगार हा ।

परणै में ओम्हाजी री गरज रैंवती, तो मरणै में ई बां बिना काम क चलतौ हीनी । आणी नै आंगण में पसारण सूं लेय'र चारै महीना ताई ओम्हाजी री जरूरत पड़ती रैंवती । इण मौकै ऊपर गरड़ पुराण री भेट तथा रोटी पूरी होवणै सूं गैणा-रूपड़ा रै रूप में ओम्हाजी नै चोखी परापती हुय जांवती ही ।

ओम्हा जी किरत करावणिया अर पुराण याचक हा ।

परब ऊपर बिरत-उपवास री कथावो ई ओम्हाजी बांचता अर भेट-पूजापी आपरै घरै ले जांवता ।

कोई भागवत सुण'र ती कोई बैतरणी कर'र ओम्हाजी नै पैरावणी पैरांवता । पैरावणी में गैणा-रूपड़ा अर भेट रा रुपिया मोकळा मिलता ।

ओम्हाजी आळा कमाऊ हा ।

सेठां-साहूकारां रै घररी ओम्हाजी रै चोखी पैदा ही, मरणै-परणै ऊपर । गऊदान ई मोकळा मिलता हा, कई नगद तौ कई सरूप । ओम्हाजी रै घर में २-३ गायं ती सासतो रैंवती ईज । दूईजती जितै तौ ओम्हाजी चाटौ-चारौ देंवता रैंवता । अइण्या री खेवट वे करता को हान्ती ।

ओम्हाजी स्वार्थी हा ।

ओम्माजी रे घर में धन री मटक्यां भरी रेंवती ही । गैणा-गांठा ई मोकळा हा । कमाई-कजाई ई मोकळी ही । लैण-दैण अर खंधी-किसती री कमाई वे मोकळी करता हा । दीपती आसामी सूं १००) लारै १०) अर अणदीपती सूं २०) काटता । गैणा-गांठा अर जागा-जमीं ऊपर ई रुपिया ओधार तोलता अर रुपयो सईकडौ व्याज लेंवता ।

ओम्माजी बौरा हा ।

ओम्माजी ऊपर राम राजी हा, ती ई लोभ को छूट तौ हीनी । रोज कचेड़ी की फेरी देंवता ईज; कई ऊपर दाबो, कई ऊपर कुड़की, तौ कई रै घर री लीलामी करावण नै । अदालत रा चपरासी अर अहलकारां री भेट-पूजा करताई रेंवता हा ।

ओम्माजी भागदू हा ।

धन में धन संदोरण रै लोभ में वै सुख, संतोस अर भजन सूं आघा आघा दीड़ता हा । बामण हा फेर ओम्मा, जिकौ कई पाठ-पूजा तौ लोर देखावै करणी ई पड़ती ही । बैसूं बैगौई पिंडी छोडाय'र सेठां-सहूकारां रै घरे पूजा-पाठ करण नै जांवता परा । सेठां नै भगवान री सेवा करण री पुरसत किटै ? ओम्माजी नै पोख'र, सेवा री फळ सोरप सूं परापत कर लेंवता । ओम्माजी रै भाग री क्या कैणी । सेवा अर दिय दोन् मिल जांवता ।

ओम्माजी लोभी अर मंफटी हा ।

ओम्माजी परलोक सिधारग्या; पइसां री पोट लारै ई छौड़ग्या, छिदामई लारै को लीवीनी ।

सैंसार में म्हाय री ई नाती है । इण वास्ते, म्हाय सूं ई, मौकै-डोकै पांरी याद आई जावै है ।

सिरदार संगारो

एक ऊंडो-ऊंडो गूंभारियौ । जिकै मैं एक मुसलमान परिवार-रैवै । हवा अर धानणै रौ परवेस यैमें नहीं-रै समान । ऊजालै मैं सगळै बार चौक मैं मांचां ऊपर सूबै । सियाळै मैं तौ यांरी गुफा मैं सीरौ संचार नहीं । चौमासै मैं छांट-छंडकै री वेळा मैं बां लाया मैं कोजी धीतती; घडीक गूंभारियै मैं तो घडीक बार । गूंभारियै मैं इसौ अमूजी जिकौ पंखै सूं हवा लेंवते-लेंवते हाथ उतर देवण लागतौ ।

इण परिवार मैं सै मिळाय'र पांच प्राणी हाः घूदौ सुलतान, बैरी लुगाई-लिछमी, बडौ घेटौ करीम अर बैरी बहू अर पांचवौ सिरदार । एक राख राखी ही बकरी जिकै रौ दूध बारी-बट्टै सगळां नै मिळतौ । सिरदार, दिसा-फरागत जांवतौ जणै बकरी नै चराय-पाय लांवतौ ।

दिनूगै यजू कर'र सगळै नमाज पढ़ता । फेर एक जणी पीसणै-पोवणै मैं लागती अर धीजा सगळै कपड़ा रंगण मैं । करीम हौ पैलवान, घौ अखाडै सूं मौडौ आंवतौ । आंवतै ई घौई काम में जुट-जांवतौ ।

आंवता-जांवता गळी-गुवाड़ रा लोग थोड़ा पग ठांभता बां सूं ऊभा-ऊभाई वातां कर'र टुर जांवता ।

श्री परिवार मेळू अर मस्त हौ ।

सरदार हौ बरस गिटणौ अर टेणौ । रंग पक्की, तुक्कल अर दाडी मुंडायोडी । छोरां मैं छोरी अर बडां मैं बडौ । सगळां मैं इसौ घुळियौ-मिळियौ जाणै बां साईनोईज सैतरी माख्यां छतै सूं चिपयोडी रैवै ज्यौं सगळै वै सूं चिपिया रैयता । यौ सगळां नै राजी राखतौ ।

गूँभारिये खनैई पाडोसी री दैलान चाँकी ही। रोटी-चाटी-खायर सिरदार अर घेरी मंडली उठे जाय जमती। वी सगळों नै भूतां, परियां, दूखे-टामण अर सैर री गषां सुणावती। रुखाळ-तमासां अर रमतां रा गीत ई गाय'र सुणावती-चोमासा लावयां। घेरे फंड में भिमरी घोळियोडी ही। कदैई जचती तो तास रमण लागता कदैई दिल्ली।

सिरदार मीठी अर मंडलीवाज ही।

कदैई धौ सगळयां सागै सैल करण नै निकळ जांवती। वै बैळा माथे ऊपर कामदार चूणियोडी टोरी, चूणियोडी चोळां, लांगदार धोती अर खांधे ऊपर फळयां गूथियोडी गमछौ राखनी। कपडां में सुगंद ई लगावती।

साढ़ी तीन-च्यार धजियां परवारवाळा सगळै काम में लाग जांवता। सै जीलगाय'र, अंग तोड'र काम करता। साढ़ी छय बजी करीम अखाई अर सिरदार घाल मंडली सागै बकरी चरावण-पावण दुर जांवती।

सिंज्यां नै सगळै सागै ई नमाज पढ़ता। करीम री बहू रसोई चाढ़ती अर खने घेठी-वैरी सासू लिछमी सिख्या अर सायता देंवती। इण बैळा फेर घाल-मंडली आय जुटती। सै मन बैलांवता। इतै ई रसोई बण जांवती। मंडली बरखास्त होवती। मिनख पैला अर लुगायां पछै जीमती।

हमें, साइना आय जमता। अकास में अठीनै चंदणमा मुळकतौ, उठीनै औ किलोल करता। आधी रात ताई तरै-तरै रा खेल खेलता :-

(१) कान कुचरियो भू भं भरियो।

(२) मियांजी-मियांजी घोड़ी घेचौगे ? किता टकै ? लाख टकै।

(३) अंबर घोळियो।

(४) चिलम-चिलम धूताड़ियो

सिरदार खेलार अर हंसोड़ हो। सिरदार आपरै बाप नै 'बाजी' कैंवतौ अर इयां ई मंडलीवाळा। वै बाजी सूं, गेंडा, ताबीज, अर झाड़ा सीख लिया हा।

सिरदार रै खनै लोग बिच्छू, फैंटोई, चाखरी भाड़ी लगवावण आंवता । पांच-सात जणा तौ ऊभाई रैवता ।

सिरदार भाड़ागर ही ।

धात री धात में बरस धीत गया । सिरदार अथै दुपगौ सूं चीपगौ हुयगौ । पेट खुल ग्यौ । दो चेटा अर एक चेटी हुयगौ । माईत खुदा री दरगा में जाय पूगा । बडौ भाई करीम अजमेर गयी परौ । धेरै माथै ऊपर गिस्ती रौ भार आय पड़ियौ । अथै धेनै पेळा सं-घणौ खाटणौ पड़तौ हौ ।

आपरे हाथां सूं लोग-लुगायां अर टावरां रा कपड़ा रंगतौ । लुगायां रा ओढ़णा, धोत्यां—पिरोजिया, केसरिया, कसूंवल, चंनणियां, मोतिया, कपूरिया, फूल गुलाबिया, बलदेसाही अर धनसयाण रंगतौ । मी ह्वेजी री चुनड़ी अर धीजी भांत रा बंधेजा बांधतौ ।

मिनखां रा पाग-पेचा अर चीर ई इणी रंगा रा रंग तौ । फागण में टावरां रा चोळा माथै छांटणा छांटतौ अर लुगायां री धोती छांटणैदार फागणिया रंगतौ । मिनख इण मईने में पाग, डुपटा अर चोळा पतंगिया रंगावता ।

सिरदार कारीगर ही ।

धौ सगळां में इयां धुल-मिल गयो हो जाणै दूध में भिसरी । लोक लखाईज तौई कोयनी ।

हमें वैनै रमणै-फिरणै नै टैम को लावती नी । पण मंडळीराळां री मिनयार अर मिन तौ राखणौ ई पड़तौ ही ।

रातनै थोड़ी पुरसत लावती । जणै संगळयां रै सागे गपां मारतौ । गुटकतौ अर रागोलिया करतौ ।

तिवार-टांकडां ऊपर सिरदार रा टावर लाफसी ओण पुरसाय ले जांवता ।

सिरदार सगळां री वन्नु दण बैठौ ही ।

याजी जयानी में ई अठे आयग्या हा । इयां ने अठे बसियां ने आयी सधकी हुयग्यो हों ।

पण ममे रँ सागे-मागे, मेळ-भोवत रँ गुणकारी इमरत में घेर विरोध रँ थिम घुलण लागग्यो ।

भारत री बंटवाई होय'र पाकिस्तान नवो वण ग्यो । मीठी निजर अर मीठी मेळ खारो हुवण लागग्यो । आख्यां सूं हेतरी जागा जेर बरसण लागग्यो । घेर, सूग, हिंसा री भायना सूं मिनस राखस बणग्या ।

इयैरी पैल मियां भाइयां धीवी । मसीतां अर घरां में गुप्त सभावां होवण लागी । नित नवी-नवी गप्पां उड़ती के फल रातने मुसलमान फलाणै हिन्द्यां रँ मौले ऊपर जाय चढ़िया ती परसूं फलाणै । मूंडा जित्ताई घातां । ह्या में भै छायग्यो । नवा-नवा उणियारा अर नवा नवा गुल खिलण लाग्ता । कई जागा तौ माथा फूटग्या । हिंसा रँ घातक जेर री असर फैलणवाळी बेसारी दाई सगळी जागा फैलग्यो । घेरां माथे ह्यांथां उडण लागी । एकधीजे ने सक अर बे विसवास री निजर सूं जोषण लाग्ता ।

सिरदार इण लैर में बेयग्यो । बैई किरडै दाई रंग बदलियो । बैरै घरै मियांमंडळी भेली होवण लागी । बैरी मंडळीवाळां रँ नाक नेई अबै सिरदार रँ घर रँ आजू-आजू सकरी-सडियोडी बास आवण लागी । प्यारा खारा हुयग्या ।

सिरदार री आख्यां सूं ई बदलियोडा रंग-ढंग लुकिया फो रयानी । अबै मियांमंडळी बैरै घरै भेली नहीं होय'र जंगल में किली गुप्त जागा जुटण लागी ।

बैरै घरै लोगां तिजाव री बोतलां पडी देखी । अबै बोई सागी तन्नू सिरदार परायो बण'र आख्यां में रडकण लाग ग्यो ।

समंदर में रेवणी अर मगरमच्छ सं घेर कांकर निभै । छेकड़ सिरदार रा पग छूट ग्या ।

एक दिन बौ आपरी आधै सइकैवाली मीठी मैरबान वस्ती अर
गूंभारियै रै मोह नै त्याग'र चंपत बणग्यौ ।

पोलस नै बुलाय'र गूंभारियै रौ तालौ तोडायौ गयौ । केई फूट फेलावण
वाली चीठ्यां मिली जिए मूं लोकां रौ सक पक्कौ हुयग्यौ ।

धीरै-धीरै काल चक्कर घूमियौ । आपसी मेळ-जोळ री चरचावां चलण
लागी । उखाडियोड़ा पाछा जमण लागी ।

पण म्हारौ सिरदार गयौ जिकौ आवडौ ई गयो । यैरै गूंभारियै रै
आगै सूं बैवती बेला हालई लारली मीठी वात्यांरी याद बैर विरोध अर
विछोडै रै गैरै अंधारै-नै चीर'र चित्त नै चटपट चेतन कर'र छांई मांई
हुय जावै है ।

गनी ठंठारौ

ऊना ठै री रुत-लाय पड़े तौ इसी कै मत पृछौ । जी चावै, लाय-पीलिया
अबै आराम । उसी धू दुपारै री चेळा, कांधै-दो बोरयां लियोडो, एक में नवा
अबोट अर बीजी में भागा-टूटा अर जूना-पुराणा पीतळ, तांबै, कांसी रा
बरतन भरियां, गनी ठंठारौ म्हारी गळी में आंबतौ । 'पीतळ, तांबै, कांसी रा
नवा बरतण ले लौ, जूना भागा-टूटा बदळाय लौ' री आवाज सुण'र लुगायां
जाण जाती कै गनी बाबौ आयौ है । आप आपरी-जरूरत माफक लुगायां काई
भागा-टूटा बरतण देयर बदळी में नवा लेंवती तौ काई जणांरा दाम ले लेती ।
काई जूना बरतणां माय सूं छोटार जोइजता बरतण सस्ती-कीमत में लेती ।
गनीबाबौ सारीतरै री सवदी पटाय लेती, कई नै निरा'सर नाराज को
करतौनी ।

गनी बाबौ सैणौ-दानौ बोपारी हौ ।

बाबै हज कीयोड़ी हौ । पूरी खुदा परस्त हौ । कूड़-रुपट आटे में लूण
घालै जित्तौई बरत तौ । सगळा नै खरी सला देती । गायकां नै ठग खावण री
नीयत को राखती नी । आरै बाजबी नकैरै साथै गायकां रै भलाई री ई ध्यान
राखती ।

घणी-वार लुगायां नै कैती, बेश्चां घर गिस्ती री ध्यान राखौ । अण
जोइजता बरतण मोल लेर अणूतौ खरची मती करी । भिनख लाई दिनूगें सं
सिंज्या ताई खटै है, जणै पडसौ कमावै है । पटसा आछरै लागै कोयनी ।

काई जूना बरतणारै बदळै नवां लेंवती तौ गनी कैती बाई ! बरतण तौ
हाल चोखा पडिया है-भागा टूटा कोयनी । पळे क्यौ पगरखी में पग कटायै ?
क्यौ काम में आवै जिसां नै आबी कीमत में बेचे है । तूं चावै तौ ई इयां नै
नवां जिसा कर लाऊं । म्हाती मैनतरा थोड़ा पइसा देणा पड़ेला । कई नै कैती,

वेटी तू कैयै है नी, इसा मोकळा बरतण घर में है, फेर नवा क्यों मोल ले'र फालतू पइसा गमावै है । भिनख कमाई दोरी घणी करै है अर थे बिना समझियां खरच कर नाखी । हैसाव करण में गडबड गोटाळी को करतौ हौनी । गळी री लुगायां नै बैरी इमानदारी ऊपर भरोसी ही । बाबो नेक नीयत वाला ही ।

बाबै रौ कद डिंगणी, आंखयां छोटी, रंग गऊं धरणी, छोटी धौळी-दाडी, कान टिरियोडा, मूँछा आगें सूं ओछी करायोडी लारै सूं लंबी; माथै ऊपर छोटी फाटो-पुराणी फेंटी, चोळी पेरियोड़ी जिकै ऊपर परसीएँरा स्याळ, गिरियां सूं थोड़ी ऊंची-ऊंची सब भरियोड़ी सूंधण पगां में देसी जूती-राखतौ । ऊँवर साठ सूं ऊंची ही पण तौई कड़क चोखी ही, तांत करारी ही । सदा हंस मुख रैवतौ । पकी—मैनती ही ।

घर गिस्ती री जरूरत रै सगळा बरतना रा उण खनै नमूना रैता : गूँणियो, तपेली, धाळी, कटोरा, कटोर्यां, लोटा, टोपिया, गिलास, कटोरदान, पाळी, कुड़ली बगैरै ।

बाबो जूनां बरतणां रै बदलै नवा देंवता । भागा-टूटा बरतण सस्ती कीमत में ले लेती ।

कई कई नै पइसै री मौळ रै कारण जूना धींगड, माईतां रै हाथ रा बरतण बेच'र घर खर्च सारु दाम खड़ा करना होंवता, तो बाबो, बे बरतण आधी कीमत में ले लेंवती । एक जाणती, म्हादै गुजारै रा पइसा आयग्या, धीजो जाणती, म्हादै घर में नफा हुयौ । दोनूरी मिळी जुळी जुगती चलती ।

बाबो मेळू अर पक्को बीपारी ही ।

अबै गनी परमात्मा री दरगा में पूग ग्यो, पण हालतांई गळी गुवाड़-वाळा बैरी लायकी'र नेक—नीयती नै भूला कोयनी । बैरी भीठी याद बणियोड़ी है ।

मध्घो फेरीवाळो

मध्घो हँ। फेरीवाळो। लाई गरीब अर मैनती हो। धू दुपारें री बरसती लाय में, ग्रांधां ऊपर दो चोरयां में, काचरयां फळयां, फोकळिया, खेलरा, सांगरयां, कैर अर अमचूर भरी राखतों। गल्ली-गुवाड़ में धड़ती ई रागोलिया करती—

काचरयां लौजी काचरयां लो
म्हारा रे गायकजी थे काचरयां ई लौ
सांगरयां लौजी सांगरयां लौ
म्हारा रे गायकजी थे सांगरयां ई लौ।
जिसो माल उसी ई गीत।

कई नै बाबाजी कई नै काकाजी, कई नै मामाजी, कई नै भाईजी कैर, सगळां नै अपणापो देखांवतो। लुगायां नै दादीजी, बडियाजी, मामाजी, भाईजी अर भौजाईजी कैर नैड़ी पड़ती।

कई रे माल लेवण री थोड़ी जचती तौ मध्घो, बेनै आ कैर पइसां रौ फिकर तौ कीया मतीना, मोड़ा पैगा, हाथ घसू हुये जणैई दे दिया, राजी कर लेंवतो। कैयतौ इसी सस्ती सवदी भळै मिळैला कोयनी। घर बैठै गिंगा आई है दो पइसा कसरौ सवदी है। मनै ती थोड़ी नफैस माल लूटावणौ है माल खलास करणौ है जणै नोरा काढू हूँ।

काई कैती-बाला मध्घा। सांगरयां बोदी अर कोरा सोखा है। कृण पइसा धूड़ में नाखे।

जणै हस'र उथळो देंवतौ—भूवाजी। माल छांट'र लेलौ। माल सस्तो बेचू हूँ। जणै थेइ कसर काढी हो। हूँ रुपियै री डौड सेर बेचू हूँ। बाजार में डौड़ रुपयैरी सेर दोरी मिळैला। कई इयै बातनै सोची हौ'क ?

ऊपर सं बल्ल-बारस, नागडा-पांढ्यां अर आसरा टांकडा आवै है । घर में सांगरयां होसी तो हाती-हाती को करणी पड़ी नी । देखलौ साय ! हूं तो थारै फायदै अर सवीतैरी वात कैवूं हूं । लैणी नहीं लैणी तौ थारै सारु है ।

काइ कैवती-अमचूर तौ काळी दराय है । साग री रंग बिगड़ जावै, कूण लेवै, आधी चाळ आघड़ी ई ।

जणै कैवती-अमचूर नै ऊनै पाणी में छोड़'र देखौ तौ खरी । लाल फसूबल रंग देसी । थानै काळौ फूटरौ क्या देखणी है । साग में खटाई परी चोखी लाग जासी । इत्ती सस्ती अमचूर मिळण नै किउँ पड़ी है । चौवटे में रुपियै सेर मसां सं मिळसी । थारी खुसी, पगरखी में पग कटावणी हुयै तौ भलाई कटावौ । म्हारौ माल तौ उभोई को रैवैनी ।

इयां बांरी जीं जमाय'र माल बेच देंवतौ । काइ ओधार राखती तौ काइ नगद पइसा बटाय देंवतौ ।

वात आही कै मध्या पसारयां खनै सं जूनौ-बीदौ मात पइसां में ले आंवतौ अर चोखा दाम खड़ा कर लेतौ । पसारी जाणता कूटळौ निकळियौ मध्या जाणतौ कूटळै मांय सं रोटी निकळी । दोनू रै लाभ रौ सबदौ हौ । बाइ बत्तीसी तौ बीरौ छत्तीसी ।

मध्या पसारयां रौ कमाऊ बेटां हौ ।

मधौ टावर हौ जणै ई मां मरगी ही । मामै रै घर छोटे सं बडौ हुयौ । मामैं मामी नै ई धै तौ मां बाप जाणिया ।

मध्या रंग-रूप रौ काळौ, आंख्यां कोचरी दाई, नाक तीखी, भंवारा काजळ री पतळी रेख दाइ, सरीर खाखड़ियै दाई, धोती री जागा काठै लट्टै रौ पंछियौ पैरियोडी, टाट उवाड़ी । कणै ई पगां में खेटर फट-फट करता तौ कणै ई पगे उभराणी । माथै, माथै कळरी कतरणी फेरायोड़ी, दाड़ी रा मन्वा च्यार-च्यार आंगळ आंतरै, कंवर कुड़ियोडी, लिलाइ माथै सं परसीणै रा टोपा पड़ी ।

गमछीं घोरयां रे वार कर लपेटियोड़ीं राखतो । तावडों कित्ती ई
 आंखया काढ़ी, खीरा उझळी, ऊपर भलाईं टाट तपो अर नीचे पग बळी, पण,
 ओ डाकींड़ीं तो नेम सूं गळी—गुवाइ अर चौक मालां में फेरी फिरण में धू
 चूकें तो चूकतो ।

मघीं अग्रवूत हों ।

गिसत्यां नै घर बैठै सस्ती माल बेचणियां, मघ्यै छाडै बीजौ कोई
 को हानी ।

मघीं करडी नेमी अर खरी मजूर हों ।

घणी मेनत करणियै नै भूख ई घणी लागै । मघ्यो, चार-पांच बाजरी
 रा सोगरा, लूण-मिरचारी चटणी सूं पधराय लेंवतौ । बिरखा-पाणी हुयौड़ीं
 होंवतौ अर फळी, खाखड़ी, टींडसी अर लोइया घणा सस्ता मिळता तो बिचां
 रौ साग बणाय लेंवतौ ।

लाईं ऊंघर घणी ओछो लायौ । ४०-४२ में तो परलोक ई पूगयौ ।
 मघ्यै बिना कूण बडंग मारै—

काचरयां लौजी काचरयां लौ

म्हारा रे गायकजी थे काचरयां ई लौ

सांगरयां लौजी सांगरयां लौ, म्हारा रे गायकजी थे सांगरयां ई लौ

घर बैठै सूका साग सांगरयां, फळयां, फोफळियां, काचरयां, जोयीजे
 जणै मघ्यै रौ घाटो घणौ अखरै ।

वारे ! मरदाना मघ्या ! वा !

भीलियो खवास

बुध, सुक्कर अर अदीतवार। बडा-बूढ़ा, टावर, सगळा कई नै आंख्या फाड़िये उडीकै। दिनूँ री आठ साढ़ी-आठरी बेळा। दिसा-फरागत सूं सैन निपटियोड़ा। केई चौकी ती केई पाटै माथै बैठा। मजै सूं घातां करै अर टेम टालै।

इत्तै ई मैं एक काली दराय ठिंगणी मूरती मूंडै माथै सीबळ रा बण, हुक्की-मुक्की दाड़ी, आंख्यां ऊपर बसमौ लगायोडौ जिकै री एक डांडी सावत अर बीजी री जागा डोरौ जिकौ एक कान रै बारकर लपेटियोडौ, माथै, माथै चीगटी बिदरंगी पागड़ी, तौई टाट उघाड़ी, गोडां साईनी ऊंची-ऊंची धोती, बगल मैं खाल री रछाणी, फाटौ मैलौ चोळी, खांधै माथै मैलौ फाटौ गमछौ, पगां मैं खांसड़ा अर हाथ मैं लियोडै गोडिये नै, खट-खट टेकतौ, पग दचकावतौ, भीलियो बाबौ म्हांरी गळी मैं आंवतौ।

भीलियो खवास हौ।

भीलियै, बाबै री रछाणी मैं दो-तीन देसी पाछणा नैरणी, सिल्ली, एक खाल री टुकड़ी, देसी कतरणी, कळ री कतरणी, मूंडी देखण री जूनौ धूंधळी काच अर देसी कांगसियो रैवतौ। पाछणा रा नांव, टावरों नै राजी राखण सारु, भीलियै बाबै मिसरी री पाछणौ, खांड री पाछणौ फढ़ाय राखिया ह।

बाबौ पैली पोत टावरों री संवार करती। टावर बाबै सूं डर'र भेळा-भेळा होंवता। माईत टावरों नै खोळै मैं लेय'र बैठता। एक ती बाबैरौ पाछणौ दोरौ चलती बीजौ हाथ घूजती। जागा-जागा टावरों रै माथै मैं दांचा पड़ जांवता। टावर भेळौ-भेळौ हुवै। जणै माईत टावरों री हीमत बंधावण सारु बैरै मगरों में धापी देय'र कैंवता-सूरवीर है, भीलै रा सड़का ती सूरु ई

सैवै । बाबू, हस'र कैयतौ—रो ना बेटा । लै, देख अबकलै मिसरी रौ पाछणी काढ़ूं हूँ । औ सोरी चलसी । अर देख बेटा । तनै 'चल मेरी डमकी डमाक डम किसका भीटिया किसका तम वाली काणी कैसूं । तू तौ सैणौ वणौ ईज है । लै—आलै, संवार बणगी, इयां कैय'र रीमांवौ रैवतौ । इत्तै ऊपर ई कोई टावर ताना थाजी करतौ जणै माईत री निजर बंचाय'र, बाबू बैरै माथै में एक हठकै ठोलै रौ कचीड़ देवतौ अर आख्यां फाढ़तौ । टावर भैरै मारियौ बोलौ-बोलौ हुय जांवतौ ।

भीलियौ बाबू टावरां रौ गुरु हौ ।

बौ टावरां रै माथै ऊपर लंबी चोटी अर चोटी रै नीचे दो गळियौं अर देवता रै नांव री लटी राख'र कळरी कतरणी फेर देवतौ । पछै आगलै पासौ पाछणै सूं चूलौ बणाय देवतौ जिकी खिजमत कयीजती । कोई दोरी कैवतौ-न्हारी दादी पट्टा राखण रौ कयौ है, जणै बैनै बुचकार'र कैवतौ-ना घेटा । देड़ावाळा बुग्घा छुण रखावै, कोजा लागै । आपानै तौ खिजमत करावणी, गळी-लटी रखावणी अर फंदियौ गूथावणौ जोयीजै ।

टावरां री हरजामत सूं निपट'र, बडा-बूढ़ां री करतौ ।

भीलियौ बि तेसरी हौ ।

वारै मास, सुफ्त में, बिरतवाळां री हजामत वणांवतौ ।

औसर-नुखतै, मरणै-परणै अर मंगलीक टांकड़ां माथै भीलियै रै घर भररा बिरतवाळां रै घरै जीमता अर मोकळी पुरसाय'र लांवता । साध, आगरणी, भाईपै, भंडा, जिन्दोई, ब्यांव अर मरणै माथै बैरी घणी-घणी पृछ होंवती अर चोखौ नेगचारी मिळतौ ।

बिरतवाळा परदेस सूं आंवता जणै भीलियै बाबै नै चोळौ, धोती अर पाग देवता । वारै महीनां में बीजी कपडौ ई देवता ।

भीलियै री बहू बिरत रै घरां में लुगायां रा माथा गूंथण जांवती । टांकड़ै-नुखतै माथै आंठा बासण. दोनू जण मांजता । बासण लायां नै भाल री भाल मांजणा पड़ता । घरां में भौळी घालनी पड़ती ।

माथै गुंथाई रै बढलै में बिरतवाळा बाबै री बहू नै कई देवता-लेंवता रेंवता । इयै खू परवार मंगळीक टांकड़ा ऊपर धोळरा, नारेळ-टका ई इयै नै मिळता ।

इण तरै भीळियै बाबै रै परवार री बिरतवाळां रै घरां सू गुजारौ होवतौ ।

लाई बाबै नै बिरत रै घरां रै काम सूं फुरसत ई का मिळती हीनी । कणै कई रौ तेड़ी, तौ कणै कई रौ ।

बियां अर नुखतां माथै बाबौ घर री निगराणी राखतौ । बासण-घरतण, चीज-बस्त गुमणै पांवती नही ।

कदै ई कोई बौदै में गैणौ-गांठी खोलर भूल जांवती तौ बाबौ ठावौ संभळाय'र दे देवतौ ।

भीलियौ बाबौ डंभक अर खरौ मिनख हो ।

मोकै-टोकै, घरवाळा बैरी सलासूत लेंवता हा । कारू-कमीण समझ'र बै रै सागै ओछी-हळकी बौवार को करता हानी ।

भीलियै बाबै री, बिरत रै घरां में माईतां दाई काण-कायदी हो ।

अबै किठै या बात ? जमानौ ई बढल ग्यौ । बिरत री बंधाण दीलौ पड़ ग्यौ । अबै तौ काम थोड़ी करणी पण टका बजाय'र लेंवणा । बिरत री नाई मिळणौ ई ओखी हुयरग्यौ है । अबै तौ कारू-कमीण कैवै है कै म्हांनै बिरत पौसावै ई कोयनी ।

मरणै-परणै भीळियै बाबै री याद आयां बिना रैवै कोयनी । बैरी घाटी अखरै । छेकड़ उमोड़ा, आंढा तौ हुवै'क ?

समाज री किसी चोखी बंधाण हो । सैं आप-आप री काम करता अर आपरी जागा पूछीजता-पूजीजता । ऊंच-नीच री गिंदी भावना को हीनी ।

हरदास दहीवाली

अगूण पासी उज्जास होवण लागतो जणे सोयणी कडक बोली में सुणीजतो—‘दही चवको-दही चवको’ । अथे ती टावर-टीकर हरदास री घोली ओठखर, नाचण कूदण लागता अर बैनी लावण खातर अड़ी करण लागता ।

हरदास दहीवाली हो ।

आधी गली में अवाज मारियोड़ी इसी जाण पडती जाणै, न्हारी ई गली में ई मारी होवै । बडा-बूढा, सगळे उडीक लगायां उभा रेंवता । जेज होंवती जोय’र उथपण लागता । पण टावरां रै सौ जावक ई खटावण को होंवती हीनी । लागता पग पीटण, कर लेंवता भरमोलियै दाई मूंडी ।

वानै राजीकरण सारु घरवाळा कैवता—‘आधी ओ हरदासजी बैगा आधी; मनियै नै दही देवी । इतैई रंग उडियोड़ी मैली पागडी पैरियां हजामत धियोड़ी, खांधै ऊपर एक मैली-फाटी गमछी, जिकै ऊपर भायोलियां धरियोड़ी, एक हाथ में जाड़ी मोडियो लियां, गोडा साईनौ मैली पंछियो पैरिया अर पगां में जाड़ा जूत धारण कियां हरदास ‘आर्या ई-आयीई कैवती आय धमकती ।

भाओलियो एक पीतल री थाली सं, दकियोड़ी रेंवती एक पासी बाट अर बीजै पासी धान रेंवती । धान रै मांय धडौ करण सारु बडा छोटा गड्डा रेंवता । वारी वारी सगळां नै दही तौल’र देंवती । टावर चंगी अर थरकी लेंवता अर उई उभा-उभाई चाट जांवता । फेर हाथ पसार देवता । माईत पालता, जद हरदास कैवती—बालक बादसा है, ऐ ती इयाई करसी ।

हरदास जरणावाली हो ।

एक गल्ली सूं बीजी, बीजी सूं तीजी, इणी तैर घणी सारी गळियां में घूम'र ५-७ माओलिया वेच लेंवतौ। घरे आंजतौ जणै थाळी धान अर टकां सूं भरीज जांवती।

हरदास मैनती ही।

हुपारै, ग्वार फळी-दावड़ी रै साग सूं अर फौगलै रै रायतै में, बाजरी रा सोगरा भोर'र पेट पूजा करतौ। पछै घंटा-दोय-वंटा तप्पड़ बिछाय'र, लेट लगांवतौ। पण माछर-माछ्यां टिकण को देवतीनी। जद कदेई पंखी करतौ अर कदेई हुपटौ ओढ़ लेंवतौ। कदेई रसोई सूं निमट'र सिवादास री मां दायत घालण लागती। जणै, थोड़ी ई ताळ में घुर-घुर करण लाग ती।

हरदास संतोखी ही।

चार-पांच बजी हरदास भट्टी चेतांवतौ। अगन में घी री छांटौ नाख'र 'धंवकाळी' कैय'र भगती सूं हाथ जोड़ ती। पछै कड़ाई चढांवतौ। बेमें दूध भरती। मधरी आंच सूं दूध रदीजतौ। धीरै-धीरै दूध माथे सागीड़ी जाडी थर आय जांवती।

हरदास करीगर ही।

हरदास रै घर में थोड़ी-घणी दही शंचतीई। जिकै सूं तरै तरै रा साग बण जांवता। दई में बेसण घोळ'र कदेई सिवदासरी मां गट्टा कदेई चीलड़ी, कदेई पतोल कर लेंवती। कदेई गळी मांश सूं मांगी छाछ मिळ जांवती ती राय अर कट्टी ग्रणाय लेंवती।

कदेई रोही सूं तोड़'र लायोडा कैर-सांगर्यां रौ साग बण जांवतौ। इयां धाकौ धकतौ ही।

घर में टावर टोळी रामजी रौ दीन ही। माठै-मटकै चलतौ, जदई गाढी गुड़क ती ही।

मे'री रूत में हरदास, गांव जांवती परी। उडै बेरा पिता धूची खेत हा। कच्ची टापरियो ही।

लुगायां-टावरां नैई, चौ सागै ले जांवती । सगळे खेत में बुथी सारु काम करता । डीलां सूं मजूरी करता ।

टावरां नै उठै, गायां-भैंसा रौ दूध पीवण नै मिळती ।

हरी टांच रोही, हरा-हरा खेत - जियारी आय जांवती । बारै मईना त्वावण जोगौ, धान राखर बाकी बेच देंवती । चोखी रकम खड़ी हुय जांवती । आ रकम व्यांघ-टांकडां में लागती ।

हरदास घर-लोचू हौ ।

भोलियौ डाकोत

छनीवार नै भोलियौ म्हारै चँक और गळी रै घरां में चक्कर काटिया करतौ । कैयतौ-आज ठाकुरजी रै तिथ चारस, चार छनीवार । फलाणै रै सरीरां मुख, स्याग-भाग अखी राखै, बेल बधै, ग्वाडी फलै, अर नैण गोडा निरोंग राखै छनी भगवान ! कथा सुणौ, तेल'र फेरी घताओ, अन्न दाता ।

कोई छनीछर जीरी कथा सुण'र एक टकौ देवती, तौ कोई बैरै मैलै-फाळै लोटै मै मीठौ तेल घालतौ ।

कोई पृछतौ-देखतौ भोलिया, म्हारा बोलतै नांभ सू गिरै-गोचर किसान है ? कोई परदेस रेवणियां री दिन-दसा पृछतौ । कोई मांदै तातै रा गिरै गोचर पृछतौ कै कद ताई आछौ होसी ?

भोलियौ आंगळ्यां ऊपर मीन, मेख, मिथुन, करक, सिंग गिण'र कई नै मंगळ, राहू, तौ कई नै छनीछरजी री दसा बतायतौ अर काळी बीजा री दान काट्या तिल, काळी बकरी, काळी भैंस री दान करण री कैतौ । कई नै चोखी कमाई री, कई नै बैगोई आछौ होशण री कैतौ । बिरत सं ई भोलियै रै परवार री गुजारी चलतौ ही ।

भोलियौ डाकोत अर जोतकी ही ।

मरणै-परणै भोलियौ हाथ में लालटैण लेय'र रातरी दो तीन बजी ताई बिरत रै घरां आगै धूमतौ अर घर रै मुखियै नै ऊपर लिखियै मुजब आसीस देवतौ अर गरीबी सू कैयतौ-हां, सुणई हुय जावै मां-बाप । भोलियै रा कारज आपई साऽ सौ । फेरी देवते-देवते महीनौ हुयग्यौ है किरपा नाथ ।

जयै पंचायती भेली होवती अर भोलियै री बीनती साथै विचार होवतौ । न्यारी-न्यारी पंचायत्यां सू बैनै एक मुस्त २१) ३१) सायता, रा मिळता ।

इण तरै मरणै परणै ऊपर रीत मुजब खरच करण सारु धैरै खने एक रकम भेली हुय जांवती । बिरतवाळी होरण सू धैरी आपरी जान में घणै मान ही ।

भोलियो बड़ी बिरतवाळी हो ।

भोलियो जथा नाथ तथा गुणवाळी हो । घर री घाटी कदै पूरी को होवतौनी । गरीबी सू गुजराण करती । सीधार्ता को होनी ।

भोलियो मैनती अर सायसवाळी हो ।

बेरी छोटी-छोटी कक्की आंखयां, टिरियोडा फान, करड़काशरा फेस, बथोडा नख हा, डील माथे फाटी-मैली चोळी, लिलाड माथे चंनण री आड़ गळै में रुदराखरी माळा, घगल में फाटौ-चीगटी टीपणी, खांधे ऊपर मैली-चीगटी कोधळी, एक हाथ में मैली-काळी लोटी, धीजे में थोटी री लफड़ी अर पगां में फरड़-फरड़ करता खेटर हा ।

औसर-नुखतै, सराव-छमछरी-ऊपर मगळां री जीम लैणै री पडै धैने ई कदै नेग री तौर ऊपर दियो जांवती हो ।

मंगलीक मोकां ऊपर धैरी आरणौ असुभ समझियो जांवती हो । घर री मांय तौ कोई धैने घडन ई को देंवती होनी । कदैई कोई आपरी गरज स दान-धुन री नियत धैने मवोडै री माय बडन ई देंवता, तौई धैरै लारै सू पाणी रा छांटा नाखता; इण बास्ते के फेर इण खुड़पणों रा पग घर में नही पडै । धैसू एक तरै री छूत राखी जांवती ही ।

मल-मास में भोलियै री बण-आंवती । इयै मास में सबीतै मुजब एक दिन तौ सगलै बड़ा-चीलड़ा, पूड़ी-कचोली, कदै मीठो, पापड़-खीचिया अर सलाबडा तळता ईज । धै दिन डाकौत नै सै तेल अर मौठां री दाळ दान करै । कोई तळियोडी सामगरी ई देवै । इण तरै आज री दिन भोलिये नै मोकली-दाळ अर मोकली तेल मिल जांवती ।

बैधृत, वितीपात अर गिरण री दिन भोलियै री घणासारा छाया दान आय जांवता, तेल सू भरियोडी कांसी री छिरपली में सोनै री टिकड़ी घाल'र उण में आपरी छियां देख'र दान देंवता ।

भोलियै रै घर में छोटा-मोटा सात जीव हा जिकां री गुजारी बिरत रै घरां सूं चाळतौ ।

घर में दान में आयोड़ी एक बकरी ही जिण री दूध दावरां अर चूड़ा नै पांती सर मिल जांवतौ ही । दावर बैनै रोहो में चराय-पाय लांवता हा ।

लाई डोकरी भोलियो परलोक सिघार ग्यौ । बैरै औसर री खरची पंचायती सूं मिल ग्यौ ।

भोलियै री बहू आंखयां सूं लाचार हुयगी ही तीई जीबी जित्तै घेटै-पोतै री खांधौ माळ'र बिरत रै घरां री फेरी लगांवती रयी । छेफड़ बैनै ई सौ घरसंपूर्ण ग्या ।

भोलियै रा घेटा-पोता नेम सं तौ नही पण छिड़ियै-बिछड़ियै चक्कर लगाय जावै है ।

भोलियै री नांव मिटग्यो पण बाद को मिटी नी ।

छनीशर रै दिन कणै ई इसी-लखाई जै जाणै बी आंवतौ ई होसी, अर कानां में बैरा बोल गूंजण लागै-फलाणै रै सरीरां सुख, भाग-सुयाग बधै, छनीदेव रिख्या करै ।



सीतकी माला

एकै पासी च्यार-साढ़ी च्यार रौ अमल होवतौ अर लुगायां सिंज्या री
रसोई चाढण री चिंता करण लागती कै इतै ई में कई री मीठी-कड़क घोली
आंवती 'चंदलियौ, सांगरयां, कैर, क्वारंपाठौ, बैंगण लौ ए ।'

घर-घर सूं लुगायां चार आय पूछती—

'चंदलियौ क्या भाव ए ?'

'देऊं तो पइसै रौ पाव हूं । ये भेलौ सेर लेवौ तौ एक पइसौ ओछी
दिया ।'

'ना बाई, तूं मोंगो देवै है । चौबटे में दो टकां रौ सेर भर हणै ई गली
में लाया है ।'

'तौ हूं मायै भार-उखणियै फिरूं तौ कई साव नई फिरूं हूं । पइसौ
खण तौ मनैई जोयीजै ।'

'हां बाई ! आ बात तौ याजव है ।'

'तौ तोल दूं सेर भर ?'

'तोल दे ।'

'ए सीतकी ! सांगरयां कंकर दी ?'

'दादी जी ! आठ सेर री-घणी सस्ती है, अर है ई मी ।'

'दस सेर री देखै तो एक आनै री तोल दे ।'

'लौ दादी जी ! यानै तौ राजी राख सूं-गेलौ १० सेर री ।'

'आगे कई फोयनी भली, आईज रेमी ।'

'ठीक दादी जी'

‘हाए, कैर कांकर दिया, सीतकी ?’

‘बाई सा, छः सेर राली, देखो !’

‘वाली, कैर बडा घणा, मीं कोयनी’ ।

‘बडा टाळ’र दे दे सूं ।’

‘तौ दे देखो दो आनां रा, भाव सात सेर रौ लगाये ।’

‘लौ कनी, रात दिन रा गायक हौ ।’

‘इण तरै सीतकी मीठी बोली सूं सगलां नै पटायर मोकळी साग बेच जांवती ।

सीतकी माळण ही । अर ही मिठबोलीं’र चतर ।

सीतकी बैगी उठती । गायां नै बांटो देंवती । ऊठ नै नीरती । गायां रौ दूध दूंबती । फोटा थापती । बिलाणी करती । पछै सीतकी री सासू पोतै नै सागै लेवै रौ बंध्यावाळां रै दूध देवण जांवती । आधौ दूध बंध्यां में देंवता, आधै रौ बिलाणी होंवती ।

सीतकी री घर गिस्ती री चोखी व्यवस्था ही ।

सीतकी रौ धणी-नत्थू, कूबै पखाल भरण जांवतौ, अर बंधीवाळां रै घरै नाखतौ । जचती तौ खुल्ली-ई-वेच देंवती । कालै ऊनाळी में पाणी री मांग घणी । पखालिया मूंडै मांग्या दाम लेवै । लोक-उपरा तळी पडै-बौ कैवै पैला म्हारै नाखौ, तौ बौ कैवै म्हारै । इणगी बंधीवाळां री तक्कड़ । खांचांताणी में पखालियां री-बण आंवती । चोखा पईसा तोड़ता ।

सीतकी खोरसै सूं निवट, न्हाय-घोय’र तुळळी रै क्यारै में पाणी सींचती । पछै रसोई चाड़ती । धू-दुपारै री १२-१२॥ नत्थू पाछो घरै हूकतौ । थोड़ी बिसाई खांवती । ऊठ नै ठाण बांधती । पछै रोटी-दुकड़ भेली होंवती । सीतकी पछै पेट नै भाड़ो देंवती । फेर बरसती लाय में धू-दुपारै जंगळ में सांगरयां, कैर, खोखा, गंदिया तोड़ण निकळती । इतै ओड़ी फिरण री वेळा हुय जांवती ।

सीतकी कड़ी मैतण ही ।

रात पडियां सीतकी घरे पूगती जिते सासू रसोई चढ़ाय देंवती । नत्थू
गायां नै बांटो दे'र दू लेती । ऊंठ नै नीरतो पांवतो । नत्थू तो बंधीवाळा रै
दूध पूगावण जांवती परी । सीतकी सगळां नै जीमावण-जूठावण में लागती ।
पछै आप जीम'र चौकी यस्तण करती । दूध कढ़ावती, जमावती । पछै घमड़-
घमड़ आटो पीसती ।

मे छांट हुयां नत्थू बाड़ी जांवती परी । उठै खाखड़िया, मतीरा, फल्यां
बांवती । जणै लायण सीतकी नै मरण नैई पुरसत का मिळती हीनी ।

नीरणी, दूधारी खोरसे अर रसोई पाणी सूं बैगी बैगी निवट'र सीतकी
बाड़ी भाती लेर जांवती । पाछी आंबती बड़ी-सारी-ओड़ी काकाड़ियां, लोइयां
घरीरां सूं छल लांवती । मण भर सूं ऊंचो भार हुय जांवती । घर
पूग'र फइयां रै घरे थेपड्यां री ओड़ी भर'र पूगावती । जिते चौकटे री
टैम हुय जांवती । उठै थोक में माल बेच लेंवती ।

सीतकी घरलोचू अर सैणी ही ।

टांकड़ै तिंवार ऊपर सीतकी आपरै बंधियोड़ै घरां में आखा सं भोळी
भर लांवती ।

पछै घर-घर सूं टांकड़ै तिंवार ऊपर रांधियोड़ी सामग्री पुरसाय लांवती ।

सीतकी राब-चौवार अर घोरोपी राखणवाळी ही ।

मालण्यां तौ छिडी-बिछड़ी हाल ई केई आवै है । पण सीतकीवाळी
माया सीतकी खनै ही । कठै वैरै जिसौ मेळ-मिळाप, कठै घोरोपी ।

नंदौ ओड

माथै ऊपर बोदौ अर लीरा लटकतौ दमालौ, काना में मुरक्यां, तुक्की मुक्की दाइकली, उघाड़ी डील, गोडां साईनी काठी धोतियौ, पगां में कारयां लागोडा लंबा-लंबा जूत, हाथ में डांग लियै, दिन चढ़ियां नंदौ, सैर री गळियां में कमठाणा जोषण निसरतौ ।

नंदौ ओड हो ।

भाख फाटी नंदौ रात नै उछेरियोडा गघेडां नै जोषण निसरतौ । गघेडा रोही में लाधे किठै ? पण नंदौ तौ थोड़ी ताल में ई सगळां नै जोय'र टोर लांवतौ; नंदौ गघेडां रै पगां रां सेनाण जोतौ-जोतौ जितै बे ह्योवता उठै जाय दूकती ।

नंदौ पागी हो ।

कमठाणा होवै जितै धूड़ोई री क्या पार । नंदौ घूड रै दिगलां में आंखयां गढाय'र मन ई मन फळावट करतौ । पछै घर-घणी सं दोषाई रै मुकातैरी घात करतौ ।

नंदौ हँसावियो हो ।

नंदौ हरखांवतौ के अबकलै खेप कमाई री चोखी है । घर-घणी, हरखांवतौ के सयदौ सस्तो ई दुकी है । दाव-भाव में दोये ई एक बीजे रा कान कतरु हा । पण नंदै री पिरयी माता में लैणियो हो—कमां जैरा जामा । दो पइसां री लाभ नंदै पासी ई रैवतौ ।

नंदौ चतर सयदौ पटावणियो हो ।

नंदै री घहू घेगी थकी बाजरी रा सोगरा सेकती । जिकै ऊपर लूण-मिरचां री चटणी नाल'र सगळे जीमण लागता । पछै गधां ऊपर पावडा,

कुदाळा, भांफ अर टावर वगां, थोडा सोगरा'र चटणी मेल'र नंदौ लुगायां-टावरां समेत, कमठाणै ढुकती। छैंया'री जागा डेरा लगांवती पछै सगळे काम में लागता। मोटियार ढिगली खोद'र पूर सळूजांवता। टावर-लुगायां धूडोडै रा गधा भर'र सैर परकांटे सूं चार नाखण जांवता। ऊपर सूं लाय वरसै, पसयाडै सूं पवन खीरा उछाळै, सरीर ऊपर परसीणै रा परणाळा वैवै पण कई मजाल जिको थोड़ी फेट खायलै। हां, तिस लागती जणै नींगलियोडै चाडै मांयलौ पाणी मोटौ लोटौ भर'र ऊभाई डकळ-डकळ पी लेंवता। कद सूरज मेळ बैठनौ'र, कद बापड़ा बिसराम लेता।

जद सूरजजी बिसाईजता तद ऐई काम छोड़ता। सस्तरपती संभाळता। पछै हाथ पग घोव'र घर री मारग लेता। कदेई कई चौधटै सूं सवदौ लावणौ होंवती तौ नंदौ बढीनै चली जांवती।

रात पड़ी नंदौ घरे पूगतौ। गधां नै रोही में उछेरती। लुगायां रोटी पोवती अर सगळे जीमण लागता।

जीम-जूठ'र मोटियार चिलमिया करता, लुगायां घम्मड़-घम्मड़ आटौ पीसती। इतैई में पाडोसी, आय जांवता। कदेई गप्पां लगांवता, ती, कदेई भजन गांवता। रात मोकळी ढळयां पछै बिना बिछावणै धरतीई लटां दाई शुद्धक जांवता।

नंदौ अबधूत ही।

मेह मंड्या नंदौ, खेत जांवती। लुगायां-टावर निदाण करता। नंदौ हळ चलांवती बीज बांवती। इण तरै वरस भर खावण पूरतौ धान उपजाय'र नंदौ पाछौ आंवती।

इत्ती मैतत-भजूरी सं कमाई करतां थकां पण, नंदौ लाई करजायत ई रेंवती। कमावती जिको खाय लेंवता। मरणै-परणै खंधीवाळां री गरज करणी पड़ती। चोटी लिखाय'र रुपिया लेंवती अर सईकै लारै २०) ३०) कटांवती। भलौ होंवती तो १००) रा ८०) नही जणै ७०) ७५) मिलता। इयै मांयसं ई १) कोथळी खोलाई री अर १) क्यूतरां रै दाणै री देवणी पड़ती। अठीनै

नंदी मैनत-मजूरी करण में कसर को राखतौ हौनी बठीनै खंधीवाळा ऊपरलौ-पानौ को आवण देवता हानी ।

नंदी बापड़ौ करजायत रैवतौ हौ ।

सैर री दुकाना में तरै-तरै री चीजां सजायोड़ी रैवै । नंदै'र बियै रै टाबरां रै भावै तौ कई को हौनी । वे तौ आपरै काम सूं ईज पिरोजन राखता । कदेई आख उठाय'र सामौ जोखणौ किसीक होवै ।

नंदी साधू हौ ।

नंदी भणियोड़ौ 'ककोई' को हौनी । हँसाय अटकल-पचबू सूं कर लेवतौ हौ । टाबरां रै ई कालौ आखर भैंस बराबर हौ । सैर में घणी पोसयाळां-मदरसा अर कॉलिज सकातक खुलग्या हा पण ह्यांरै भावै तौ कईन का ।

नंदी ठोठ हौ ।

जद कोई नंदै नै टाबरां नै भणायण री कैवतौ तद बी उथली देवतौ-म्हांरै भाग में ई बिद्या लिखी कोयनी । बिद्या तौ थां खोगां खातर है । म्हांनै तौ धूड़ा दिगला ई दोवणा है ।

कोई कैवतौ-टाबर भणजासी तौ सोरा रैसी, चोखी कमासी चोखी खासी । नंदी कैवतौ-म्हे तौ सोगरा अर मोटै गाभां में ई मस्त हां । म्हांनै क्यौं अऊरा घोर भावै है ।

नंदी संतोखी हौ ।



जेसियौ तंबोळी

जेसियौ जात रौ मथेरण ही । पण कैवता सागळे वैनै तंबोळी हा कारण
बै पाना री दुकान खोल राखी ही ।

जेसियै री दुकान घणी जूनी अर नाभूंजदार ही । वैरै हाथा में जाबोडा
छोरा, छोरां रा वाम, दादा अर पड़दादा बणग्या उत्तै वैरी दुकान धन्नाटै सू
चलती ही ।

आज सूं तीस-चाळीस वरसां पैली पानां रौ चळण निराठ धोड़ौ ही ।
घणखरा परदेस रैवणिया लोग ई पान खाया करता हा । क्या कई रौ जी दोरौ
होंवतौ, खासी आंवती जिकौ मरेटी घताय'र दवा दाखल पान खांवतौ । क्या
कोई सीखीन होंवतौ जिकौ पान खांवतौ । लुगायां नै होठ अर जीब लाल करण
सारु पान भिल्ल जांवता जणै वे खिलती-राजी होंवती अर धड़ी-धड़ी काच में
होठ'र जीब देखती ।

होठ अर जीब लाल करण सारु छोरा-छंडा, लुगायां, गूंदी रा पत्ता
खांवता ।

जेसियै री दुकान पोकरणां वामणां अर बाणियारी गुवाड़ में ही ।
बाणिया री बै वेळा क्यौं वात पूछौ ही ! आघा दीया पाछा आंवता हा ।
लिखमी ऊंधी होय'र पड़ती ही । जीवना ई सरग रा मुख भोगता हा ।

धनवानां रै धियां-सगाई अर हरख-वड्याय रै टांकड़ै तथा परदेस री
जोयीजती मुसाफरी कर'र पाछा देस में आंवतै ई चौक में चमक आया
जांवती । दिनंगे जीम-जूठ'र सै दूकता जेसियै री दुकान । चाय सूं चावता
पान घोड़ा । दाना पकियोड़ा कपूरी पान खांवता ती मोटियार अर सीखीन
मांगता मीठा अर बंगला । जेसियौ हाट में सगळी भांत रा पान राखतौ-कपूरी
मीठा, बंगला, घोवला, अर देसी ।

जेसियै री हाट री सामली चवड़ी चौकी माथै चौपट मंडती । सगळों ने चौपट री सौख । सै जाय जमता । बीच-बीच में-लाव जेसिया पान, लागी रेंवती ।

चडों मजों यणतौ । रस बरसतौ—रंग जमतौ । पौधारै, दस पगड़ी अर चारकाणा रा बोल हवा में गुंजता ।

सिंज्याले कोटड्यां-वगेच्यां सूं पाछा आय'र जीम-जूठर सै जमता जेसियै री हाट रै आगे धरियोई पाटै माथै । फेर लाव पान-लाव पान लागती । हसै मौकै जेसियै रै मोकली कमाई-कजाई होयती ।

पण बैगी ई जांवती परी भांग रै भाडै । जेसियै में बिरखा रै सबदै री लोठी लत ही । खोलै रंगबाजां में बैरी जांव हो । आभै सामी जोध'र धौ फट ई यताय देवतौ कै बिरखा चड़ी-दोय चड़ी में आय पड़सी ।

मरभोम में बिरखा री कोड मौकळी ई ईज । अठीनै चौमासौ लागतौ उठीनै जेसियै री हाट में 'अनवेशण दफतर' खुल जांवतौ । आयो-गयो, पैयतौ-चालतौ, सपदैयाळो-अणसयदैयाळो, बडों-छोटो, सगळे, जेसियै नै, मे री बावत मन चाया सवाल पूछता—(१) मे री क्या डील है ? (२) हुवसीती घणौ है (३) परया हवा ई चलै है (४) ऊगतै सूरज रै बारकर जळेरी ई हो (५) चिड्याई धूड़ में न्दावै है (६) आभो ई रातौ है (७) तीतर पंखी पादळी ई है । जेसियो पैयतौ-अवै ती बिरखा आई ई देखौ ।

जेसिया रात री ११-११॥ बजी हाट चभांवती जितै तांई बिरखा री पूछताळ चालू ई रेंवती ।

जेसियै नै बिरखा री मोकळी ज्ञान होवतै थकां बी हमेसा खोई में ई रेंवतौ । केनै ठा परमात्मा रै घर री लाई नै क्या फिटकार ही । चैनै पूछ'र लोक ती कमांवता अर बा खोयली । घाटै में चौ चजार जांवणी वंध कर देवतौ । केनो-अवै सयदी करणो वंध कर देसूं । मसाखियो बैराग दोय-चार दिन ई टिकती, फेर वेई घोडा'र वेई मैदान ।

जेसियो हंसमुख अर मिलनसार हों । सगळों में खपतौ : दावरां में दावर, घरां में बडी । चौक्याळों में बी दसी धुळमिल ग्यौ हो के लोक

लखाईजतौ ईहो कोनी । बी गुणी अर बीश्रुत हो । घर-गिस्ती रै मामलै में लोक बैरी सलासूत लिया करता ।

रंग गऊं बरणी, आंखयां बिचलै दरजै री, मंडौ लंबी, नाक तीखी, कान टिरियोड़ा जिकां में मुरक्यां पैरियोड़ी, भंवारा तीखी कजळ री रेख ज्यों, कद लंबी, सरीर पतलौ-दूबलौ, उणियारौ गंभीर, ओछी-ओछी चोली, गोडा साइनी धोती, माथै माथै अलेटिया-गळेटिया फूल गुलाबिया पागड़ी अर पगं में देसी पगरखी ।

जेसियौ हाट में काजू-काजू जिनस सगळी राखतौ । छोरा-छापरां नै राजी करण री मोकळी चीजां ही । पान, सुपारी, मरेठी, मसालौ, जरदौ-सुरती, हींगस्टक-री गोळयां, पीपळ पाक, गुलकंद रौ खाटी, पचायोड़ी खारकां, जीरी, पीपळ, लूणिया-नींबू, पतासा, बिस्कुट, चीकणी सुपारी रा किरका, पोदीणै री टिकड्यां, नीबू रसरी फांक्यां, मैणबत्ती, बीड़ी-सिगरेट, तील्यां री पेट्यां, साबण, मूंगफळयां, लिफाफा अर कारट । त्योवार-टांकड़ां ऊपर जोयीजती जिनसां ई राखतौ हौ । दियाळी में, छुरछुरिया अर गोळिया पिटाका, टिकडी बाळा पिटाका, नागवाळी टिकड्यां, रंग-रंग री रोसनाई री पेट्यां अर फूलफड्यां ।

जेसियौ चतर बीपारी हौ ।

रात नै गळी-गुवाड़ रै छोरं नै, किस्ती-भरां रा, सोनै, तोळै रा अर ब्याज रा लेखा घालतौ अर मालणी बचांवती ।

जेसियौ हँसाधियो हौ ।

जेसियौ सत्संगी ई हौ । चीकलै रा दाना-बूढा अर भणिया-गुणिया सूं धेरै चोखी गुरघत रेंवती । चोखी ज्ञान चरचा चलती । सासतरां री काण्यां अर दंत कथायां ई बैनै घणी याद हौ । सुलझियोड़ी अर दानौ भिनख हौ ।

जेसियौ पुण्यात्मा हौ ।

चौक रै सऊकारां रा टावर हाट में, कोई गैणी-गांठी भूल जांवता अथवा कोई सुल-दूट'र पड़ जांवती, तौ जेसियौ वारै घरवाळां नै संभळाय'र देय देंवती ।

जेसियौ हाथ रौ साचौ हौ ।

चौक रा छोरा-छंदा, छोट-बड़ा, बहू-चेष्ट्यां सगळै जेसियै रौ काण-कायदौ अर संको मानता । बराबरीवाळा बैरौ आदर करता । बूढा-बूढेरा सनेव राखता । जेसियौ कईनै परायौ को लखाईजतौ हौनी ।

जेसियै री हाट खाली पाना री हाट ई को हीनी । बा मनोरंजन-फलब, सतसंग भवन, रात्रि पाठशाळा अनवेशण दफतर, दुख-सुख फैण-सुणन री सैयोगी संस्था अर भळै ना जाएँ क्या-क्या ही ?

पाना री दुकानां तौ चौक में घणी ई खुलगी पण कठै बा धात ?

जेसियै नै परमात्मा री सरण में पूगा नै मोकळा बरस हुयग्या पण बैरी हाट खनै फर नीसरती बेळा बैरी पुण्य मूरती आंखया आगै नाचण लाग जावै अर सुख-दुख रै भाषां रै मेळ री तरंगा सूं हिरदै में एक मीठी पीड़ लखाईजण लाग जावै ।

मनजी मचकांवाळी

मनजी लाई जिलम तो पूंजीवाळें अर पूजीजतै घर में लियो हो पण हौ भाग आडो भाडो । घर मिनखां सूं भरियो-तरियो हौ : पगरख्यां ई मांवती को हीनी ।

न्यात में औसर-नुखता अर व्यांव-सगाई ठाठ-बाठ सूं करण सूं, इण परवार री चोखी साख-सोभा ही । औ सगळो मनजी रै दादै री परताप ही । बौ ईज ऊजळो जंवारी अर घनक नांव करणियो हौ; बियै रै आंख्यां मीचण पळै औ परवार परवारग्यो । कैयत ई है-एक रती बिना पाव रती ।

मनजी रै वाप सूधा च्यार भाई हा । च्यारे ई एक बीजै रा सिर खावणा, लखणां रा लाडा, पूरा गईवाल ।

मनजी रै दादै आपरै जीवतै-जीवतै सगळां नै न्यारा किया जणै एक-एक री पांती में पचास-पचास तोळा सोनो, गैणा-गांठा, कपडो-लत्तौ अर मोकळा बासण-बरतण आया हा । चांदी री थाल्यां कटोरयां इण सूं पाखती । न्यारा-न्यारा पक्का घर सगळां री पांती में आया हा । नगद नाणो, एक-एक जणै री पांती में पांच-पांच हजार आयौ हौ ।

पण च्यारूं भाई माया-मत्तां नै देख'र फीगरग्या । घड़णो-घड़णो बारै कुण घड़तो हौ । जूवै रमै, दारूडा पीवै अर पड्या रेवै रांड्या में । थोडा बरसां में माया भारगै लागी अर खनै बंची नवनारायण री देह ।

मजा जिसी ई सजा । बेमारयां-सेमारयां सरीरां नै किएजा कर नाखिया अर दीखण लाग़ा आगला घर । छेकड़ जमराज रै वारंट में जबतै हुय'र जाय पूगा-अदालत में ।

मनजी ओर च्यार भाई । मनजी री लाई री आंख्या पांच बरसां री ऊंवर में ई सीवळ में गई परी । भायां में मोमी अर मनजी नै छोड'र बीजा

दोय साधारण घड़णी जाएँ । पण चीलै वाप-काकां रै ई चलै-निखट्ट, जुवारी, दारुबाज ।

रोट्यां रा सांसा पडण लाग़ा । आजीवका री जाबक डौल नहीं । छेकड़ गांवडै सूं पग छूटा ।

रुलता-भटकता पूगा बीकानेर । अठै मैनत-मजूरी री कमी नहीं । मोभी जेसौ, कदेई कंदोयां री मजूरी तौ कदेई ठाठै री मजूरी जावै । धीजां दोय भायां दुकान खोली । एकतौ बे कई घड'र न्याल करण जोगाई को हानी अर धीजी अणसैंधा होवण सूं लोग धीज-पतीज करता को हानी ।

पण लाई मनजी में कोजी बीती । आंख्यां री आंधौ करै तौ क्या करै ? छेकड़ उपाय काढ़ियौ । रात नै लोगां रै मचका देवण जावै, तेल मालस करै । घंटै रा आना दोय लेवै । घणी रात ताई भूत दाई भटकै ।

चौक'र गळ्यां में ऊँचक-नीचक जागा, खाडा-खोचरा, आखळ्यां कुत्ता-बिल्ला अर गाय ढांढा बैठा रैता पण मनजी तौ रागोलिया करतौ ढांग रै सायरे निधड़क निकळ जातौ । आंधै री राम रुखवाळौ । भगवान री दया सूं मनजी री मांयली आंख्यां खुलगी ही ।

लोगां नै दो आना में दो मजा मिलण लाग़ा-पगचंपी अर सत्संगः प्रायक बधता गया । गुजारौ चोखौ होवण लाग़्यौ ।

मनजी री बारली आंख्यां मीचीजियोड़ी पण मांयली खुल्ली ही ।

मनजी मचकांवाळी ही ।

ऊनाळै में, गळी-गळी में लोग लुगायां धर री चौकी तथा पाटै ऊपर मनजी रा भजन सुणन सारु सूती-बैठी रैती । मनजी खनै मचका तौ एक-दो जणा दरांवता पण भजन सुणावण वास्ता सगळे वैनै कैवता-फलांणी सूर री पद, फलाणी कबीर री साखी सुणा कोई रूपादे वाळौ सबद-‘मलजी हुय जावौ संत सुधारी थांरी कायारे’ गावण रौ कैतौ । कोई सुखी राम रौ भजन ‘इलकारा खड़ा सिरकार का क्यौं नींद नसै री सोवै, कागद नै तू कठै लुकोवै’ कोई बूढापा बैरी कद हुबैला थारौ छूटवौ’ गावण रौ कैतौ मनजी सगळां रौ मन राखतौ ।

मनजी सतसंगी अर मैनती हौ ।

चारे भाई भेळा रैवै । मोभी सूं छोटै भाई नै परणावण री मनजी रे जची । रोट्यां रा फोड़ा पड़ै जिके तौ मिटे । पण भाग में सुख किठै ? कई रात री कड़ी खाटणी रा पइसा अर कई चोटी लिखाय'र, मनजी भाई रतनै रौ व्यांय कर दियौ ।

मनजी खरौ फरजमंद हौ ।

रतन-नांय रौ चोर, खोटौ काचरौ दुकडौ निकलियौ : दुकान-पुकान छुण जावै । आखौ दिन जूवै रमै । कदै कुई फमाय लेवै तौ दारुड़ा उडावै । मोभी अर मनजी ऊपर ऊंचै घटोलियै सूं मूंग दलै । किणी भाग फूटोडै घडणौ दियौ तौ सोनौ-चांदी बेच खायी । मनजी नै रुपिया भरणा पड़िया-‘भाभी नीपती जाय कौड़ी खेल तौ ई जाय’ ।

मनजी जरणायाळौ हौ ।

रतन रा रोटी कपड़ै सूं जतन राखतै थकां बौ कोजी लतां री लपेट में आय'र एक दिन लंबौ हुयग्यौ । जीवतौ ई राखस हौ, दारु पी'र बहू नै कोजी तरै मारतौ । फणै ई बैरौ तिणखौ, बींटी तौ फणै ई बोरियौ तोड़ ले जांवतौ । आप मरियौ अर वैनै ई मरण जोगी करग्यौ । छेकड़ बाई मनजी नै छोड़'र, छैयासी सं छूटगी ।

मनजी उदार'र उपगारी हौ ।

फेर मनजी नै ऊंधी सूम्मी । अबकलै बिचलै बीरै नै परणावण'री जची । देखियौ कदास दुकड़ा सेकण सूं पिंडौ छूट जावै । पइसौ माथै कदायौ कुई घर सूं भेलियौ । मनजी रौ तौ देवाळौ पीटीज ग्यौ पण भाई सुगनौ भिडीज ग्यौ । बौ ही खोटौ रतन तौ औ ही असुगनौ-पक्कौ मनहूस ऊंचै घटोलियै सूं मूंग दलणियौ । केई दिन भेळौ रै'र न्यारौ घर मांडलियौ ।

घडणौ कई घड़'र न्याल करै ? आखौ दिन जूवै रमै अर चिलमिया चेतावै । घर में अन-दांतै घैर । मनजी रौ नांव लेय'र यानै-म्हानै ठग लावै अर मौज उडावै : लुगाई टावर आपरी करणी ।

मनजी सूं आ देखीजी कोयनी । बौ भौजाई-टावरां नै ले आयौ । दादस बंधाय'र कयो-भौजाई रो मत । अठैई भेळा रैवौ ।

दोय-च्यार दिनां छेड़ै पापी सुगनौ कजियौ करणनै आय दूकौ । मारण लागौ लायण लुगाई नै । मनजी समभावण लागौ जणै लुगाई नै छोड'र धेरै ऊपर हाथ उठावण लागौ; मनजी में हौ आंधौ जोर । उठाय'र पटकियौ अर बैठग्यौ छाती माथै । जणै हाथ जोड'र केवण लागौ-अबै इयां कदे ई को करुनी । मनजी कयो-बडौ भाई जाण-र किती बार गम खाई है । अबकलै म्हारी मा समान भौजाई ऊपर हाथ उठायौ तो मनै जाणै ई है ।

सुगनौ कपूत तौ होई पण कपूर बण'र मनजी नै फेर दुख देयग्यौ । किणी मनजी नै कयो-थारै औ जंजाल फेर घटतौ हौ । मनजी बोलियो-सै आपरै भागरौ खावै है, फुण कई नै खुंवावै है । ठाकुरजी टावरां रै भागरौ मोकलौ देसी ।

मनजी बिबेकी हौ ।

एक बार मनजी डांग रै सायरै काम जाय रयौ हौ । मारग में ऊभौ हौ-एक मारणौ गोधौ । चई मारी अर घाल सीगां में'र आधौ उछालियो । हाइ खलकीजग्या अर पोताळां में घणी चोट लागी । बडौ भाई लाई नै एकै में घाल'र घडोड़ी असपताल लेय ग्यौ ।

पांच मइना ताई वठेई पड़ियौ रैणौ पड़ियौ । दिन-रात भजन चूंचावतौ । भजन रै परताप सँ असपताल रा हिरदे हीण अर फुकनीवाज सेवकां रै मन में दया घापरगी । ये मनजी री पूरी साळ-संभाळ राखता ।

एक दिन एक जणै पूछियो—मनजी भायला, काल कई आखर खुलसी रे ? मनजी कयो—मनै कई ठा भाई ? वो बोलियो—म्हारे तौ सातौ जचै, सुपनै में एक सरप देखियो हौ । मनजी कयो—ठाकुरजी चावै तौ आय जावै । दूजै दिन सातौ ई खुलियो । अबै तौ असपतालवाळा वैनै सिद्ध केवण लागग्या । मनजी बोलियो—हूँ कांयरी सिद्ध हूँ । हूँ तौ निद्ध हूँ, कपूत हूँ, पापी हूँ । भगवान नै भूलियोड़ी-भटकियोड़ी हूँ । म्हारी किठै छूटकां होसी ?

कोई सतसंगी सुख पूछण गयौ जणै मनजी कयो—ठाकुरजी करी सो चोखी ई करी । नहीं जद बैनै याद करण री टैम ई किठै मिलती ? आ कैतौ-कैतौ धौ गळगळी हुयग्यौ अर पांच-सात बार मंडै सं हरि-हरि जपण लागी ।

आगै बोलियो-भाईजी ! एक दिन तौ सुपनै में जमराज रा दूत लेखण नै आय ग्या हा। मनै क्या सुख है, पण मरणौ चाथी नहीं। इतै में ठाकुरजी रा दरसण हुया-मनोहर रूप, मोर मुगट धारण नै एक हाथ में बंसी। ठाकुरजी मुळकिया अर कयौ-मनजी घबरा मत। म्हारी भजन करतौ रै। हूं तनै अवार मरण को दूनी।

मनजी भगत हो। बागवरां तौ छुट्टी देय दी पण इलाज पूरी हुयी नहीं। मनजी रै कुण पट्टी-पोली बंधावण खातर असपताल जांवतौ रैवै। एक दिन इसी जची जिकौ कई री बतायोडी देसी दवा बजार सू ले आयौ। बैसू तर-तार फायदौ हौवतौ गयौ अर कई दिना में पूरी तरै सू ठीक हुयग्यौ।

मनजी बेमारी सू उठियोडी, खनै पइसौ नहीं। एक दिन चौक रै पाटै माथे बैठौ उदास हुयोडी माला फेर रयौ हो। सुस्ती अर थकावट सू आंख्या इसी घुळी जिकौ बटैई गुड़क कर गुड़दपेच हुयग्यौ। सुपनै में ठाकुरजी कयौ-उठ, थारै सिरांतियै एक कागद री पुड़ी लावसी। तनै जोयीजै जित्ता पइसा बैमें मिल जासी।

आंख खुली तौ साचै ई सिरांतियै पुड़ी पड़ी। बै में मोकली रेजगी ही। मनजी भीज्योडी आंख्या सू भगवान नै नमस्कार करी। रेजगी गिण'र, मनजी आखर बाय दियौ। निनूगै रुपिया आय पड़िया।

मनजी इस्टी हो।

कई दिनां ताई मनजी रै जचियोडी आखर ऊगती ई रयी। पिरसिधी होवण लागी। लाल लागगी, धूपाडियो सवदौ करै।

रात नै लाई आधी रात ताई हाड़ भांगै, दिनूगै सवदौ इयैरा गोडा भांगै, बाथौ कित गयौ न आयौ। मनजी सवदागर हो।

माथे मोकला देणा कर लिया। माया रै चक्कर में चढग्यौ।

एक जणै कयौ-मनजी, औ क्या कियो रे डफोळ ? जणै आंसू काढ़'र माथे में तड़डी लियो। कैयो-माया लारै परभू नै विसरग्यौ। अबै लत छूटणी थोखी हुयगी।

मनजी नै आपरी करणी ऊपर पछतायी हो।

पौरायतणी-मदियै री बहु

आधै सईकैसूँ पैला री बात है। पिरजा में पराधीनता री भावना घणी ओछी ही। लैण-दैण, बीपार-बट्टै में असरची पड़ जांवतो तोई लोग कचेड़ी री पराधीनता भोगणी को चांवता नी। पंच घाल लेंयता जिके दोनां नै सळटाय देंवता। कैयत है—‘राज री तेढ़ी नहीं आग्रे जम री भलां ई आय जावै।’

लोग चौबटै सूँ घान-चून, तेल-लूण लांवता तौ डीले। फूवै सूँ पाणी लांवता तौ डीले। लुगायां आटौ पीसती तौ डीले। गळी-गुघाड़ री परबंध करता तौ पांच जणा मिल’र। राज री मूंडी को तकता नी। मरयै-परयै पांच भाई चलाय’र हाजर हुय जांवता अर काम-काज सळटाय देंवता। पंचां री बात परमाण मानीजती। पंच इसा जिके मुकते पाळयै रा सीरु नहीं-परायौ हित पैला आपरो पछै देखता। पाखंड-परपंच घणौ ओछी। माईतां री परणाळ का ऊपर चलनौ पण आंख्यां खुल्ली राख’र। प्राणी पांचवान अर पुरसारथी। परायौ नरग निचोवणौ पाप जाणता। पुढ़ी-पुढ़ी रै सिनखां नै पळोटता-परखता। संयोग अर सायता री भावना भरियोड़ी। पोथा भणता-बाचता तौ जी लगाय’र पूरै परिसरम सू। मोथा-थोथा को रेंवतानी, भलांई आखर-आखर पृछ लेथौ। जणै पिंडत कैवांवता-पूरी पढ़ाई रै ताण। परिख्यायां री पराधीता सूँ परै रेंवता। पराई भासा परायौ पेरैस सू परै रेंवता। पराई भासा पढ़ता ई तौ मन अर माथौ परायौ को करतानी।

ठोड़-ठोड़ सगळा मानीजता-पूजीजता। घिरणा अर ऊंच-नीच री भावना घणी ओछी। परसेवै री कमाई नै आछी जाणता। पाप, पाखंड अर पचेडां सूँ परै रेंवता। क्या-क्या गिणावां क्या-क्या बतावां?

आपरी पांच भूतां री काया अर संचियोड़ी माया री परबंध हाफे ई करांवता। पोलस रै परवस नहीं।

हां, तो इसी परबंद बांध राखियो हो कै रात नै पौरायतिया गळी-चोकां में पैरो देंवता । पोलस री पंचायती को हीनी । पौरायतियै रै रोटी-कपड़े री परबंद गळी-गुवाड़वाळा करता ।

इसी सुणनै में आई हे कै पछै पोलस पैरो देवण लागगी । तीई पौरायतिया चलता रैया । पण पोलस धमकी दीवी कै पौरायतियां रै पौरै में, कदास, चोरी-चकोरी हुई तो पोलस जिम्मेदार नहीं थगैला । जणै औ परबंद परायै हाथां गयौ । पौरायतियां री पौरै बंध हुयौ ।

पैला, रुपयै में, पनरै आना, लोगां रा घर कच्चा हा । होळी-दियाळी वे दड़ीजता-लेसीजता अर पोतीजता । पण औई काम लुगायां खुदोखुद करती । हाफेई रोही मांय सूं गुड लांबती । फोटां री फाळ को हीनी आज दाई घर-घर गायां ही । फोटा अर छाणियोडै मुड़ सूं दड़ा दरीजता-लेसीजता ।

पछै आंयती रंगाई-पोताई री बारी । इण खातर ई परायै मसालै अर परायै हाथां री परबसता को भोगता नी । पौरायतणी धौळी-लाल मिट्टी खारोटिया भर'र पूगाय देंवती अर घर री लुगायां हाफेई घरां री पोताई कर लेंवती ।

मदियै री बहू म्हांरी गळी में धौळी-लाल मिट्टी जोईजती जिस्ती पूगाय देंवती । दिसा रा हाथ धोवण सारू पीली मिट्टी ई लाय नाखती ।

मदियै री बहू पौरायतणी ही ।

वैरी ऊंवर साठा रै अड़ै-गड़ै ही किरड़कंटियौ सरीर पण तांत करारी, फाळौ वरण, छोटी-छोटी आंख्यां, चैरै माथै सळ पड़ियोड़ा, ओछौ लिलाड़, धौळा धक्क त्रिखटियोड़ा केस, सरीर माथै बोदी कसांदार अंगरखी पैरियोडी, वा फाटी काली ओढ़णी ओढियां अर पगां में फाटी फीड़ी पगरखी पैरियां राखती ।

माथै खारोटियो घर'र, बा बिरत रै घरां में मिट्टी पूगांवती । वैरी जागा वैरो ई काण-कायदी हो । छोटा, दादीजी, नानीजी कैवता । बड़ा आदर सूं बतलांता । साईना, साईना-दाई बोल-बतळांवता ।

मिट्टी पूगांवती जिकै दिन एक सापती रोटी मिलती । दाळ-साग हाजर होंवती ती बौई घालता । बारै महीना में उतारु गाभा देंवता । टांकडै-तिवार माथै रीत मुजब धान देंवता । कदेई बा कई सू ना ती चिड़-भिड़ती अर ना ई घणी-थोड़ी कैयती ।

मदिये री बहू संतोखण ही ।

मरणै-परणै में नेग मुजब बैनै ई कई दे दिया करता । बा राजी होय'र लेंवती अर आसीसां देंवती यधोतरी में ।

मदिये री बहू भोळी-डाई लुगाई ही ।

आडै दिन नितरी सिंज्या नै बा गळी में आंवती अर घर रै आगे ऊभ'र हेलौ पाइती—'अडोई देवौ मां-बाप ।' बैरी मीठी बोली सुण'र टावरं हरखांपता, आधी रोटी बैनै देषण दौड़ता । टावरं नै आया देख'र बा घणी राजी होवती । टावर बैनै—लौ दादीजी, लौ नानीजी कैयता जणै बैरी जी सोरी हुय जांवती ।

मदिये री बहू सुवावणी ही ।

मदिये री बहू नै भरियां जुग-जमारा हुयग्या । न्हे लोग टावर हा, जणै बा आंवती ही ।

पण हाल ताई बैनै न्हे भूल गया होवौ इसी बात कोयनी ।

बीजी खाती

बीजी दळती आस्था री ही । ओळी सामणी, दाडी अर केस करड-
काधरा, पक्की रंग, लिलाइ माथे रामदेवजी री रिख्या लगायोडी, आंख्यां
छोटो-छोटो, कान टिरियोडा, जाडा भंवारा, पैरण नै एक धंडी, खांधे माथे
रेजी री अंगोदो, लट्टे री ऊंची-ऊंची घोटियो, माथे दमाली पागडी-गट्टी जिकै
ऊपर काळी ऊन रे जाई डोरे में पोयोडा रामदेवजी रा पगळिया धंधियोडा,
पगां में खुडा-खांच देसी फारयां लागोडी पगरखी, बीजे खांधे एक जाडी मैली
भोळी लटकायोडी जिकै में जोयोजता राख-वसोली, रंदी, करोली, छीण्या,
हथोडी अर सार ।

बीजी खाती ही ।

म्हारी गळी में बीजी हक्ते में दोय वार ती आंवती ईज । चैनै संतसंग
री सोरु ही । म्हारी गळी में पाधरीई बावेजी रतनलालजी रे घरै जाय दूकती ।
रतनलालजी री सोजी गई परी ही अर गंठिये रे कारण दुरीजती-फिरीजती
को हीनी । वे घर में ई ठावा लाधता ।

बीजे नै आयो जाण'र रतनलालजी घणा हरखता, पाणी री मिनघर
कता । पळै दोये जणा दो चोरयां माथे आमा-सामा बैठ जांवता । ज्ञान-धैराग
री चरचा छिडती, होळी-होळी सबद गईजता । दोये जणा इसा मस्त अर
लीन हुय जांवता जिकी दीन-दुनियां री सुध ई को रेंवती नी ।

सिज्या पडी बैगीई रतनलालजी री यहू बेसण सेकर वेदवी पूड्यां
तळ देंवती । दोये जणा जीम लेंवता । पळै बीजी माडोणी घर री मारग लेंवती ।

बीजी रोज नेम सूं रामदेवजी रा दरसण करण जांवती । वारी घणी
मानता राखती । रोज पखाज करांवती, धूप खेंवती । घणी वार जम्मी दरांवती ।
वांटे इग्यास रे दिन नारेळ बघारती, सीरणी चढांवती-वांटती ।

दोय जणा भेळा होंवता जणै बीजी भगती भीजर कैवती-वलिहारे, वावै रै परचां री क्या-क्या बात कैवूं। फलाणै आंधळें ने वावै आंध्यां दीनी, फलाणै पांगळें ने पग, फलाणै कोड़ियो रौ कणक भडायो। वावो हाजरी हजूर है।

बीजी भगत ही।

बीजी, मांचा सालती, घटी री पाथी-मकड़ी करतो अर बीजी खोटवों काइतो। फदै ई जच जांवती ती घटी टांच ई देंवती। देंगरी री रुण उण दिन एक रुपयो ही बीजी ई इण सूं ओछी को लेंवती हौनी।

रतनलालजी रै घर में ई काम पड़तो, तो ई, रुपयै सूं ओछी को लेंवती नी। मुलायजै सूं जीम भलाई जांवती।

म्हारी गळी-गुवाइवाळां सूं बीजी घणी मीठी बोलती, ज्ञान धधारतो। आधै-चौथाई दिन में होयण वालें काम में बी ती पूरी दिन लगाय देंवती। जणै कैवता-इत्तै सै काम में दिन पूरी करदियो जणै उथळी देंवती-कामनै ती टैम लागसी। म्हारै सूं नहीं पतीजो तो आगै सूं बीजै नै बुलाय लिया करो। अघेलोई ओछी लेयण नै राजी को होंवती नी। ज्ञान-गोचर में, बी जित्तौ सैणो ही, आपरै मुतलब में, उण सं ई, सवायो सैणो ही।

म्हारी गळी में, वरसां सूं आंवती, सगळां सूं सैंध-पैंचाण हुयगी ही। मेळजोळ बधग्यो ही। पण क्या मजालं जिकी कई री मुलायजो राख देवै।

गळी में एक जणै रै बेटे री ब्यांव ही। जान में बी बीजै नै मेळ-मुलायजै सूं जीमायण लेयग्यो। सगां रै घर सूं दोय नारेळ दराया। ब्यांव रै घर में थोड़ी-धणी खोटवों रैवै ई। तो वै बीजै नै काम भोळाय दियो। बीजै तो मेळ-मुलायजै नै ऊंचो मेल'र भट ई एक रुपियो दानगी री मांग लियो।

बीजी मुतलबियो ही।

बीजी अर रतनलालजी आज दोये परलोक सिधार ग्या। पण कदे ई गळी में कई खाती नै आयो जोय'र, बीजै री याद आय ई जावै। दोय छाया चित्तर, आमा-सामा बैठा ज्ञान चरचा करता, आंध्यां आगै आय जावै: एक स्वार्थी अर बीजो परमार्थी री।

सिणगारी सैसण

सैस्यां री जाती पैला तौ उठाऊ चूला'र अपराधी गिणी जांवती ही ।
सायद पोलसवाळा इयांरी निगराणी राखिया करता हा ।

औ उदबुदा जीव है । क्या बोली सूं क्या पैरेस सूं । इयां री रैण-सैण
अर रीत-रवाज न्यारै ई ढंग रा है । औ निरदई अर अंत लोभी हुवै है ।
अब्बै-खब्बै में, एकल-दोकल नै औ लूट-खोस लेवै अर मार ई नाखै । दुरगुण
तौ इयां री नस-नस में भरियोड़ा है, गुण कोई होवै तौ भगवान जाणै ।
इयां री लुगायां इयां सूं घाट कोयनी । इयां रै माथै बांधण जोग्यां ई है ।
तेलगु सूं नही मोचण घाट बैरी मोगरी बैरी लाट ।

औ लोग आदू सूं किठै सूं उठिया, किठै-किठै रैया, किसी इयां री
बोली है, किसी जात है, किण-किण भेळ सूं बा बणी है, इण री पतौ तौ
जात्यां रै निकास-विकास री खोज करणियां नै ई लाग सकै । आपां नै इथे
खटपटै सूं क्या पिरयोजन ?

सैस्यां री जात मांगणी है । घर में चूली बाळण री तौ इयां नै सौगन है ।
दुनिया खावण-पीवण सारु कमावै है तौ औ भेळा करण सारु । खावण-
पीवण रै खरचै री चिंता-फिकर ई तौ भिनखा नै गिचाय-थकाय देवै अर
टिकाय देवै गोड़ा । वे चिंता सूं चींथीजियोड़ा रेवै है । कैयत में ई कयी है'क:-

भूल गयी रंग-राग भूलगयी छकड़ी ।

तीन बात याद रही तेल-छरण लकड़ी ॥

पण सैस्यानै तीना री चिंता रेवै कोयनी । जणै ई डूठ-रा-डूठ घणिया
ढोले है । किठै ई जीमण-जूठण हुवै तौ कागली अर सैसी तौ उठै पूरी ई ।
कागली उडायां तौ उड़ जावै । औ जमै जिकी इसा जमै कै बिना कंद लीया
इयां नै जमराज ई उठाय ले जावै तौ भलाई माढ़ाणी ठोड़ धोड़ी ।

सरम-हया, मान-अपमान, तौ जुगां सूं इयां री आंख्यां अर मनां सं फरलंग हुय चुका । तौ इयां खनै जमा-पूंजी ई मोकळी हुवै । कैवत में कयौ है—‘धन तौ सँस्यां खनै घणौ हुवै ।’

छोरा-छंडा, टावर-टीकर, मिनख-लुगायां, तबला अर मैला-गिंदा कटोरा लेय’र लोगां रै जीमण री चेळा सूं थोड़ा पैलाई घरां सूं उदर जावै । आखी दिन गळी-गुवाडां में गोता खांवता फिरै । भलाई इयानै फटकार दौ, ललकार दौ, धमकाय दौ, अठै ताई लकड़ी उठाय लौ पण अै वदा तौ इसा नकटा-सुरड़ा हुवै कै खिसकै ई कोयनी । कई दियां सूं ईज इयां सूं पिंडौ छूटै । इसा वदमास जिकौ मंजोरी न्यारी करण लाग जावै अर काढ़ण लाग जावै गाळ । टावरां नै ठगण सारू लकड़ी रा डेढरिया अर पूर री दड्यां राखै ।

तौ सँसण सिणगारी म्हांरी गळी में नित री फेरी देय जांवती । लंथी तडंग, काळी-कोजौ उणियारौ, चूखा बिखरियोड़ा, फाटा गाभा, फाटौ ओढ़णौ, पीळा हुळक दांत, फोटै दाई नाक, बड़ी-बड़ी हया-दया बायरी आंख्यां उभराणा पग, गिरियां सूं ऊंची कांसी री कड्यां पैरण नै एक हाथ में घोचौ अर बीजै में मैली-गिंदी कटोरो । फलाणै री मां, फलाणै री दादी, फलाणै री नानी-म्हारी ई सुणार्ई कर ए । कई घाल ए बडभागण, कैय’र घर आगै अड़ी कर’र ऊभ जांवती । टावर रौळी सुण’र बार निकळता जणै बानै पूर री दड्यां देखाय’र लकड़ी रा बाजणा डेढरिया वजाय’र कैवती-रोटी ला भाइया रमतिया देसूं । सुणार्ई होंवती कमती देखती जणै फेर बडंग मारती-ए घाल ए भाइयै री मां, थारै भाइयै री हजारी ऊंवर करै—थारौ सुवाग वधै । इण सूं ई पार नहीं पड़ती जणै गावण-नाचण लाग जांवती । अपजोडिया सुगला गीत गांवती :—

हाए, कै लिछी थारी गोळ पिंडियां
गोळ पिंडियां, गोळ पिंडियां हाए
जोवन मोला खाय चिमूड़ी
मार फटकारौ थारै जोवन री
मार निजारी थारै नैणां री ।

नाचती-गायती जणै छोरा-छंडा भेळा हुय जांवता । ताळयां वजावण लागता । कोई-कोई वडाई बार निकळ आंवता । नाच-गाय'र सागी ई समोग देंवती-ए लाए भाइयै री मां, थारी चूडो अस्त्री रैवै, सुवाग बधै । ए घाल ए कोई वासी-कूसी टुकड़ी । ए दे ए बडभागण हाथ री उतर ।

इयां गळी में राकड़ घालती जणै घर-घर सं रोटी-टुकड़ी मिल जांवतौ । जणै मांगती दाळ-साग । पछै पिंड छोडती ।

औसर-जीमणवार होयती जणै कनाथ रै बार ऊभी रेंवती । टावरां नै रमतिया देखांवती, डेडरिया बजांवती । कैयती-एँठ घाल मनै, रमतिया घणा देसूं । जितै जीमण उठतौ नहीं उतै बा खेळी छोड़ती नहीं ।

व्यांव-सावै, मरणै-परणै, वा घर री खेळी छोडती ई का हीनी । घरवाळा वैसें उथप जांवता पण वा का उथपती हीनी ।

हमें तौ सैंसी-सैसण आवणा घणा ओछा पड़ ग्या । कोई कदेई भला ई आय जावौ । हां, जीमण-जूठण ऊपर तौ हाल ई कागला चूकै तौ ओ चूकै ।

हणै कई बरसा सूं एक दिन सिणगारी न्हारी गळी में आई । घणी घूदी हुयगी ही । बतायो हूं परदेस गयी परी ही । बडी-घूदी लुगायां बैनै देख'र हरखी, बै सं बातां करण लागी । दुख-सुख री पूछण लागी । चलाय'र घर-घर सूं बैनै रोटी दी, दाळ-साग घालियो । उठै ई जीमाय'र बैनै ठंडी पाणी पायौ । देख'र घणी इचरज हुयो अर मन में बिचार उठियो कै ममता ई किसीक चीज है ।

पछै तौ फेर सिणगारी नै देखी ई कोयनी । भोकळा बरस हुयग्या । हमें तौ मरईगी दीखै है ।

चोखी-कोजी, सुवावणी-अणखावणी घटनावां मनां ऊपर किसीक हळकौ-फीकी असर छोड जावै है जिकी सिमरती में लंवाण ताई धूंधळी-धूंधळी बणियो रैवै है ।

बाली सामी

बाली सामी नित नेम सूं, सिज्या नै, म्हांरी गली में आया करती । लंबी खामणौ, अध बिचली आंखया, धौला केस, बडी मूंछा, लंबी दाड़ी, बघडौ चंनण चरचियोडौ लिलाइ, जिकै ऊपर च्यार रेखावां कान टिरियोड़ा, माथै धौली पांगड़ी, पैरण नै घोदौ दीलौ चोळौ जिकै रै ऊपर एक धौळौ चदरौ ओढियोडौ दोनां बगलां में च्यार भोळया लटकायोड़ी, गोडां साइनी धोतियौ, पगां में देसी जूती अर हाथ में एक लंबी लकड़ी जिकै रै माथै लोरौ एक जालीदार पौली, जिकै सूं लटकती एक सांकळ ।

घर में बंडतौ ई, बाली, जै गोपालजी री कैयतौ । जणै घर मांय सूं कणै ई गंवारी तौ कणै ई बाजरी री रोटी, कणै ई आटौ घाल देंवता ।

टावर, बालै नै भूम जांवता । कैयता—बाबाजी छुट्टी दौ—बाबाजी छुट्टी दौ । पैला मनै, पैला मनै, कैय'र आपस में लड़ता-भगड़ता । जणै, बाली, छोरां रै हाथां सूं पोलै सूं लटकती सांकळ छूवाय देंवतौ । सगळां नै राजी कर'र बल धरतौ ।

बाळौ बाजरी री'र गवां रौ आटौ, गवां री अर बाजरी री रोट्यां, न्यारी-न्यारी भोळयां में घालतौ ।

बाली गोपळजी रै मिंदर रौ भोळी फिरणियौ हौ ।

बाली अर बैरै घरवाळा गोपालजी रै मिंदर में सेवा-चाकरी करता । बासी फूस चारी काढ़ता, पाणी भरता, मटक्यां छाणता, गायां नै चरांवता-पांवता, चाटौ देय'र दूध दूंवता, तुलसीजी नै सींचता, मैतजी री रसोई करता अर चौबटै सूं सबदौ-सूत लाय देंवता । इणरै बढलै में वानै भोळी री मोकळौ आटौ, मोकळी रोट्यां नितरी मिल जांवती । तिवार-टांकड़ै, जीमण-

जूठण ऊपर गोपाळजी रौ कांसौ पुरसीजतौ जिकै मांय सं मैतजी थोड़ी जिनस राख'र बाकी री, बालै नै देय देंवता ।

आ बात को हीनी कै बालौ अर बैरै घरवाळा मिंदर री रोदयां ऊपर ई जी जमाये बैठा रेंवता । पसवाड़ बीजी ई मजूरी करता ।

घालौ माचा बणतौ, निवार रा ढोलिया बणतौ, छपरा छांवतौ । चोखी मजूरी कर लेंवतौ, बेटा ई सेठा रै अर राज में नोकरी करता ।

बालौ अर बैरौ परवार पक्की मैनती हौ ।

बालौ मिठ बोलौ, भलौ अर मिळणसार हौ । घर में ई सोरौ हौ । सगळे बैसं राजी रेंवता बौ, सगळां रौ मुलायजी राखतौ अर भौळायौ काम कर देंवतौ ।

घालै नै परलोक पूगियां नै मोकळा बरस हुयग्या । हाल ई जद गोपाळजी री भौलीवाळौ सिज्या नै आयै अर टाबर बैनै लट्ठ'ब जावै जणै घालै री पुराणी याद आये बिना का रेंवैनी ।

तेजो सोनार

तेजो रौ ध्यान आंवतै ई एकवार तौ कालजै में हुक उठण लाग जावै ।
जी कलमलावण लाग जावै ।

एक दिन लाई भुल्लां-पट्टां में हो, खनै दो पईसा हा अर ही
साख-सोभा । पण एक दिन इसौ आयौ जिकौ खावण नै दुकड़ा ई मिलणा
दोरा हुयग्या । तीजोड़ी धूड़ी बहू लायण बाणियां रौ खोरसौ करती, चौकौ
घरतण करती अर दो पईसा लांवती । अठिनै तेजो रै एक तौ दिनां रै फेर सूं
घड़नौ आंवतौ ई को होनी । रुळियौ-खुळियौ काम आंवतौ जिकौई बैसू पार
को पड़तौ होनी । कारण सोजी मंद पड़गी ही अर बैठकयाजी इत्ती हो का
सकती होनी ।

करमां रौ चक्कर इसौ जोर सूं चलियो जिकौ लाई तेजोनै चकरबंडी
चढ़ाय दियो । जिकी गली में बौ जवान सूं बूढ़ी हुयो, वा गली ई छूटगी ।
घोजी अण सैंधी गवाड़ में जाय'र बसणौ पड़ियो । जूनी गली री तौ ईंट-ईंट
भाठौ-भाठौ सैंधौ हो । नवी जागा, सगली बातां नवी । नया उणियारा नवी
यौवार । घर में खावण रौ कसालौ ऊपर सूं सोजी मंद । भूख तौ दोयां बखता
लागै । पण भूवाजी सासती घर में ई बसै । भूख'र भूवाजी में माईत-टाबर
घाली नातौ ।

लाई तेजो सारी तरै सूं खप्पखूंद हुयग्यौ । जणै एक विध बैठाई ।
लुक'र रेलघाट जांवतौ परी । उठै मजूरी करती । सिंज्या ताई आटे-लूणवाळा
पईसा कर लांवतौ । पण सरीर अकड़ जांवतौ जाणै ढांगां सूं फूटियोड़ी हुयै
लाई कद मजूरी करी ही दिन वदलै'न मजूरी करै ।

अभाग कैवै—हूं तनै समूळो ई गिट जाईस ।

कई मजूरी कर'र आप, तौ कई बहू खोरसौ कर'र लांवती जिकै सूं
चेपौ-चापौ चलतौ हो ।

पण एक बात इसी हुई जिसको मरियै ऊपर फेर लात लागी । एक बिणयाणी तेजै री बहू नै सोनै री जिनस चोरण री चोचौ लगाय दियौ । पोलस आई । डोकरी नै जबतै कर'र कोटवाळी लेयगी । लायण रोय-रोय'र कैवै-में चोरी करी कोयनी बापजी, पण कूण बैरी सुणै ।

तेजै नै ठा पड़ी । लाई-रोंवती-बिलखती जूनी गळी में आयौ । गळीवाळा दाना-घूढ़ा कोटवाळी गया । तेजै री बहू री खातरी दीवी अर जमानत देय'र छोडाय लाया । दोनू जणै लाख-लाख आसीसां दीवी ।

पोलसवाळां गरीबणी नै इसी कूटी-इसी कूटी कै अधमरी करदी । कई दिनां ताई मांचै सूं उठीजियौ ई कोयनी इयै बात री तेजै रै हिरदै ऊपर घणौ गैरी असर पड़ियौ । पण जोर क्या बटै ? बैनै मजूरी ऊपर तौ गया ई सरै, नहीं जणै टुकड़ा-फिटै सं मिलै । दोष तौ आप, एक लाई अभागौ छोरौ ।

छेकड़ तेजै रै जंबाई—बेटी री सौक रै धणी, नै ठा पड़ी । बौ आयौ अर छोरै'र डोकरी नै गांव लेयग्यौ । तेजौ, तौ, जितै खूट ग्यौ हो ।

इण घटना नै देख'र मन में बिचार उठियौ कै कदास, सोनारां री कोई संघ बणियोड़ी होंवती अर हरेक सोनार, कमाई मांय सूं रुपियै लारै, पाई-पईसौ संघ रै फंड में जमा करावती होंवती, तौ, तेजौ, कुत्तै री मौत को मरती नी । सोनारां री पंचायती तौ है पण बातौ कई नै न्यात बार कर देवै, कई खनै डंड भराय लेवै अर कई री होकौ पाणी बंध कर देवै । इसी, जड़ री बात माथै, पंचायती री ध्यान ई क्यों जांवती हो । खैर छोडौ ।

तेजौ सोनार हो । चोखा दिन देखिया हा । मोकळौ घड़णौ आंवती हो । मोकळी पैदा हो । मिनखां में मिनख हो अर हो साख-सोभा, खाली ई को होनी ।

केवत में कैवै है—‘सोनार बेटी रा ई हांचळ काट लेवै’ । पण तेजै ऊपर आ बात लागू का पड़ती हीनी ।

जूनी गळी में रेंवती जणै गळीवाळां सूं आछी-भायां जिसौ बौघार राखतौ । छोटी-मोटी गैण री दूटत-भागत सुधारती तौ कई सं कौडी ई को

लेंवतौ नी । गळी री बाई-चेटी नै आपरी बाई-चेटी मानतौ । कई लुगाई रै सामनै भर निजर जोंवतौ को हौनी । आपरै काम सूं काम । सगळां सूं सेवा-सिलाम । सगळां री काण-कदर सगळां री मुलायजौ ।

तेजो पुण्यात्मा हौ ।

दिनगै बैगौ उठ'र तेजो जंगल में दिसा-फरागत जांवतौ । पछै आय'र दांतण-कुरला अर सिनान करतौ । फेर भगवान रा दोय नांव लेंवतौ । रामजी रै बित्तर रै धूप खेंवतौ । पछै वरसाळी में आय'र राख-रूख ठीकसर जचांवतौ-हथोड़ी, हथोड़ी, कतियौ बडौ-छोटौ, जंभूरो, सिंढासी, पलास, चूंध्यां, रेती, छीणी, जितरी, फांटी-चाट, चांकी, मूस, पीतळ रौ दियौ, नाल, रेती भिजोवण री फूंडी, ऐरण, बालकूची, अंगेठी-अंगेठी, नवसादर, सुवागौ, तिजाव, पीसियोड़ी धूसौ, सिंचा-छोटा-बड़ा ।

इयारस रै दिन कथा सुणतौ । रात नै माळा लेंव'र घणी देर ताई राम नाम जपतौ । कूड़-कपट आटै में लूण माफक-दासभाव धरत तौ । सरधा सारु दान-भुन ई करतौ ।

तेजो धरमात्मा अर भगत हौ ।

तेजै री, पैलड़ी बहू इसी ही जाणै आभैरी बीज, सावण री तीज, चांदै मांय सूं चीरियोड़ी । आख्यां में इत्ती सरम ही कै कई सूं चो निजर ई को होंवतौ नी । गैणा-गांठा पैरियोड़ी साख्यात लिखमी दीखतौ । गुण ई लिखमी जिसा हा अर हौ नांव ई लिखमी ।

गळी री लुगायां सूं पूरौ-पूरौ हेत-मेळ राखतौ ।

दोयां री चोखी जोड़ी जची हौ । जिठै लिखमी उठै दाळद रौ क्या काम ? घर हंस तौ हौ । तेजो, लिखमी नै, गळै री हार कर'र राखतौ । क्या मजाल जिकौ कदेई दिर-छिर ई कैय देवै । अछन-अछन करतौ ।

तेजो, नारी री खरौ मोल-पारखू हौ ।

इण लिखमी रै एक चेटी हुई-मोवनी । बाई मां ऊपर गई । कैवत में ई कैवै है-मां जिसी बीकरी घड़ै जिसी ठीकरी ।

मोवनी रौ व्यांव तेजै गाजै-बाजै सूं कियौ । गांव-गांव सूं मोकळा सोनार आया । केई जान में, तौ केई भायां में । गळी ऊंठां सूं भरीजगी । ऊंठा रै नीरै-चारै रौ बंदोबस्त कियौ । आवणियां रै चिलमिया अर होकै-पाणी रौ ओपतौ जुगाड़ कियौ । गांवां सूं मिणाबंद घी मंगाया । आछा-आछा पदारथ-पकवान बणाया । पइसै नै काकरी कर दियौ ।

तेजौ औलौदीलौ ही ।

गळी-गुषाड़वाळा नै हाथ जोड़र भेळा किया । आरौ घणौ मान-सनमान कियौ । बाई तेजै रै सगां री आपरै सगां दाई खातरी की । तेजै आपरी ठोड बानै ई थरप दिया ।

तेजै री बहू-लिखमी गळी री लुगायां नै चाव अर आदर सूं बुलाय लाई । बैरी तरफ सं बां सग्य री खातर की ।

तेजो घणौ मेळू अर मीठौ ही ।

पछै लिखमी सरग सिधारगी-बीजी घर में घाली । बाई थोड़ी जीवी । मर'र दुख-दगौ देखी ।

हमें तेजो तीजी लुगाई लायी । ऊपरडालै सूं या घर में बड़ी । परणीजियोड़ी ईज सामै मगड़ै बड़ै । इण रै बूढ़ापै में जायतौ एक छोरी हुयी । तेजै रा कईक आंसू पूछीजिया । पण बेमाता हंसी कैयौ—ऐ आंसं क्या पूछै है हाल तनै आसूवा री नदिया बैवावणी है ।

तीजी लुगाई 'गूजर' कैयावै, पण परणीजियोड़ी हुवै जिका ।

तेजै रौ दिन बदळियौ । लिखमी रै मरणै सूं लिखमी तौ पगे लागणा कर ई गई ही । पैदा ई पोची पड़गी अर पोची ई पड़गी निजर ।

बेमाता री गत बेमाता ई जाएँ । लाई इसै खरै मलै-मोळै, सीधै-सादे अर धरमातमा मिनस नै छेकड़, रोवाय रिबकाय'र, तरसाय-तड़फाय'र, परलोक भेजण रा करूड़ लेख लिखती वेळा बैरी काळजौ कांकर, भाठै दाई काठी हुय ग्यो ? बाई जाएँ ।

आज तेजै नै पग पसारियां दोय जुगां सूं ऊंचा हुयग्या । म्हारी गळी रै जिकै घर में पैली पोत बी रैवतौ हौ बौई पसर ग्यौ ।

तेजौ परलोक पूग ग्यौ तौ क्या हुवै ? वैरै सरीर रौ छाया चित्तर इयै लोक रै मानवियां रै मांयलै मना में तौ हाल ताई इसौ रौ इसौ मंडियो पड़ियौ है । बिचलौ स्वामणौ, गोरी गट्ट सरीर तीखी नाक, बडी माथौ, टाट पड़ियोड़ी, छीदा दांत, बडी-बडी आंखयां जिकै ऊपर धौळी बांडयां रौ चसमौ, जाडा भंवारा, लंडी काळी ओपती दाड़ी, माथै फूल गुलाबिया पागड़ी, पैरण नै कसां दार अंगरखी, ऊंची-ऊंची धोतियौ पगां में देसी पगरखी अर हाथ में छड़ी ।

जद गळी रा दोय दाना भेळा हुवै, जूनी बातां री चरचा चलै जणै तेजै री घात अवस कर निकलै । जिकै नै सुण'र नवी पीड़ी रै श्रौतांवां रै मांय तेजै रै गुणां री खुसबो पसरै अर बे आपरी कल्पना रै सायरै आपरै मांयलै पासी मानरवै रै ओपतै-सोवणै चित्तर रा धूंधळा लीख-लीखादियां खांचण लागै ।

ऊमौ दरजी

माथै ऊपर बिदरंगी पागड़ी जिकै मैं जागा-जागा पोयोड़ी सुयां खसो-
छियोड़ी, आंख्यां ऊपर चांदी री बांड्या रौ चसमौ, लिलाइ माथै रिख्या
लगायोड़ी, तीखा भंवारा, तीखी नाक, गोरी रंग, दूबळौ-पतळौ सरीर, दाड़ी रा
केस बिखरियोड़ा, छोटी मूंफाड, चिपियोड़ा गाल, बगलबंधी पैरियोड़ी, खांधै
रेजी रौ गमछौ, हाथ में गज अर कतरणी लियां, गोडं साईनी धोती अर
देसी पगरखी पैरयां ऊमौ ग्हांरी गळी में आया करतौ । बौ घणौसौक
रतनलालजी बाबैजी रै घरै ठेरिया करतौ । अर इयां गळी में सगळां रौ
भौळायौ काम धंधौ करतौ ।

ऊमौ दरजी हौ ।

ऊमै री ऊंवर पचासां सूं ऊपर ही पण बत्तीसी खंडत को हुयी होनी ।
बौ छोटै टावरां रा खलका, धूड़ी लुगायां री कसांदार अंगरख्यां, धूडै
मिनखां री बगलबंध्या अरचोळा सीया करतौ । सीयाळै में रुईदार अंगरखा-
अंगरख्यां, रुईदार फतोयां, काना री टोप्यां अर सूंधणा सीया करतौ । बौ 'जूनै
ढंग रा कपड़ा सींधतौ, नवी फेसन रा कपड़ा बैनै सींधणा आंयता को हानी ।

रतनलालजी सूं बैरै खूब छणती । खूब धुळ-मिळ'र सतसंग होवती,
बीच-बीच में ऊमौ बनानाथजी माराज री बाण्यां रा बोल सुणांवतौ । बाण्यां
में जोग अर बैराग री विसै । इण में ई दोनों री रुचि ही । पण रतनलालजी
भगत ई हा, भागोत ई सुणिया करता ।

ऊमौ ई रामदेवजी रौ भगत हौ । बाण्यां निरगुण री आढी लागती
पण आस्था सगुण में ई ही ।

जठै जम्मौ दरीज ती, बाण्यां गाईजती, बठै ऊमौ पूगतौ ईज ।

ऊमौ भगत अर सतसंगी हौ ।

रतनलालजी रै घरै कपड़ा सीवावण रौ काम पड़तौ तौ ऊमौ रूप सूं थोड़ी दैनगी लेंवतौ-बाई घणी कैवासुणी करणै सूं अर रतनलाल रै जोर देयर आ बात कैणै ऊपर-‘गाय घास सूं भायला घालसी तौ खासी कैनै ।’

ऊमौ मेळू अर मुलायजैवाळी हौ ।

ऊमै नै गळी-गुघाड़ रा आदमी घणा चांवता हा । खासतौर सूं लुगायां तौ बैसूं घणी राजी रैवती । ची टावरां नै राजी राख देंवतौ । सीवाई लेवण मै पाकौ को फाड़तौ हीनी । दैनगी दो पइसा बीजां सूं ओझी लेंवतौ । मोडा-बैगा पइसा देंवता तौई मोंड़-मपाटौ कदेई को करतौ हीनी ।

गळी मै बड़तौ जणै लुगायां धार कर घूम जांवती । काई फाटै गामै रै टांकौ दरांवती, काई मिनखां री फाटी घोत्यां मै डांडिया घलांवती । बी सगळां री बेगार मुलायजै सूं फाड़तौ अर पइसी ई लेंवतौ को हीनी ।

ऊमौ खरौ सेवाभावी अर परमारथी हौ ।

रुपियै-बारांना री मजूरी चण जावण सूं ऊमौ काम छोड़ देंवतौ अर ज्ञान री पोथ्यां फुचरण लाग जांवतौ । कणै ई क्यार सतसंग्या नै भेळा कर’र सतसंग छेड़ देंवतौ ।

कोई मातमा साधू-संग, पधारता तौ ऊमौ धू चूकै तौ बारै दरसण नै चूकतौ । आप सं बणती पत्तर-पुसब सूं सेवा करतौ । डीलै बारी सेवां करतौ, मचका मुट्टी देंवती, गामा धोय देंवती, फाटी चादरां रै टांका लगाय देंवती । घटै सतसंग उपदेश अर ज्ञान चरचा होंवती, तौ बी सगळां सतसंगी भाया नै बारै घरां सूं बुलाय लांवतौ ।

ऊमौ मातमावां मै घणी श्रद्धा राखतौ हौ ।

ऊमै मै ज्ञान हौ, त्याग हौ, सेवा ही अर-ही परोपकार री भावना । बी बस पडियां हालती कीड़ी नै ई दखल को देंवतौ नी-वैराग री पासी बैरी घणी रुचि ही ।

ऊमै रौ सरीर कायम को रयोनी । पण वैरी सज्जनता अर गुणों री खसबू हाल ताई कायम री कायम है ।

पंखैवालो

पंखैवालों सूं जूनै सनै सू म्हारी गळी में आया करतो ही ।

ओ कूण हो, क्यों आवती हो, इण री एक कथा है । जिकै री संबंध इतिहास सूं है ।

कैयै है कै एक बार बादसा औरंगजेब मन में इसी धारी कै सगळां रजपूत राजायां नै मुसलमान बणाय दिया जाय । तौ पछै बांरी पिरजा सोरी-सोरी मुसलमान बण जासी ।

एक खड़जितर रचियौ गयो । सगळां राजायां, अमीर-उमरावां नै, बादसा अटक नदी रै पार आवण री हुकम भेज दियौ । उठै छानी-मानी इसी जड़ाजंत तजवीज जचाय राखी ही कै सगळां नै सागै ई मुसलमान बणाय दिया जावै ।

इण गुप्त भेद री ठा पड़गी एक जीवणसा फकीर नै ।

अटक नदी रै कांठै राजा लोग सुख सूं बैठा गुलछर्रा उडाय रया हा । हा-हा-फी-फी हुय रयी हो ही ।

जीवणसा फकीर काळी कांथळ ओदियोड़ी छानी-लुकती बठै आयौ अर सगळां नै सावचेत कर'र कैयौ-थे तौ अठै गाफल बैठा हौ । काल थानै अटक नदी पार करनी है । थारै बै पार पूगता ई बादसा सलामत थां सगळां नै एक सागै ई मुसलमान बणाय देसी । हूं थानै सावचेत करण नै आयौ हूं । संभळी-संभौ अर इण आफत सूं बंचण री बैगौ उपाय काढ़ी ।

फकीर तो कैय'र फरै । सगळां रा चैरा फक्क । दुगदुग एक बीजै री मूंडी जोवै । गळै-घांटे नहीं आवै । कूण पाड़ सूं माथौ टकरावै ? कूण काळै नै धूड़ वावै ? कूण चलाय'र भीत नै तेड़ी जावै ? कूण बिन आई सरै । कूण स्याम सूं संप्राम मांडै ।

जहाँ बीकानेर नरेस श्री करणसिंहजी नै इस्ट देवता री प्रेरणा हुई । बोलिया-मनै एक उपाय उखतियो है । इयां करौ । बादसा री परघै नै कैवौ-पैला राजा लोग बै पार जासी । आ बात वे मरियां ई को मानैनी । बां री सान ओझी को हुय जावैनी ? वे आपां सूं पैला बयीर हुय जासी । बानै पूगाय'र जद नावां आपांनै लेवण नै पाछी आवै तद बांरा टुकडा उडाय दौ । पाछा दुर पड़ी आपां रै देस । कद नवी नांथा बणै अर कद बैपारवाळा, पाछा आवै ? जित्तै देख दाता है, फेर फाई सोचसां ।

बात ती सगळां रै हाडो-हाड बैठगी । पण आगीवान बणै फूण ? जद श्री करणसिंहजी हांकारौ भरियो ।

धूड़ री तखत बणियो । सगळे राजा मिसल-सर ऊभा । बानै बादसा थरपिया । जोर-जोर सूं बां री जै घोलाई । अर बानै 'जय जंगल घर बादसा, री पदवी देय'र बांरी पूजन, सनमान कियो ।

पण जीवणसा फकीर रै उपगार री बदळी चूकावणौ हाल बाकी ई रैयग्यौ । जहाँ सगळां मिल'र रजवाडां में घर-घर सूं एक-एक पइसौ उपरावण रौ बैनै पट्टी लिख दियो ।

उणी जीवण सा फकीर रै परवारवाळा राजाशां रै बखत ताई धरावर उपराई करता हा । आपरै खनै मोरपांख री पंखी राखण सूं 'पंखवाळा' कैवाया ।

तौ म्हांरी गळी में फकीर अबदुल-रैमान सा आया करता । अरबी-फारसी रा वे आळा विदवान हा । बिचली खामणौ, भारी सरीर, बड़ी बड़ी आंख्यां, जाडा मंवारा, मैंदो सूं रंगियोडा केस अर दाड़ी, कमेज पैरियोडो, तैमल बांधियोड़ी, माथै मलागिरी कैंटी, पगां में पंजाबी पगरखी, एक हाथ में पंखी अर बीजै में छड़ी । घर सामै ऊम'र करारी घोरदार आवाज लगांवता—हरदम चेत, लात्रो माई एक पैसा ।' गळीवाळा, बांरी घणौ आदर करता । दावर बानै देखण नै भेळा हुय जांवता । कई घरां ताई बां रै सागै-सागै जांवता । लारें सूं बांरी नकल कदांवता ।

लारलै दिनां में, साजी रै गलै में खराबी हुयगी ही। बोली बैठगी।
धाघी पड़गी ही।

साजी नै कोई पइसौ नहीं देंवतौ तौ वे दावौ कर'र ले सकता ह। एक
बार इसी ई बारदात सायत चूरू या रतनगढ़ में हुई ही, इसी सुणनै में
आई है।

पछै इण रै बदलै में राज सू' १००) महीनौ साजी रौ बंध ग्यौ हौ।

मोकळा घरस इयै बात नै हुयग्या पण हाल ताई साजी नै लोग
भूलिया फीयनी।

